

112. Historie.

~~8160~~ Uld 5260

mit Kupferstich.


648536


Biblioteka Jagiellońska



stdr0014723

Bevol. Uld 5260





EFFATA REGUM POLONIÆ
vsque ad IOANNEM CASIMIRUM

Nicolao de Chwatkowo Chwatkowski CELSISSIMI IN LIVONIA CURLANDIÆ et SEMGALLIÆ DUCIS
Capitaneo Schrundensi et ad AVLAM REGIAM POLONAM Residente collecta
Varſavia Typis Collegij Scholarum piarum A. MDCCXIV.

Carol' de la Haye ſculp.



AD
S E R E N I S S I M U M
P R I N C I P E M
Ac D O M I N U M,
D. MAXIMILIANUM
E M A N V E L E M

SVPERIORIS ac INFERIORIS BAVARIÆ, *nec non*
SVPERIORIS PALATINATVS DVCEM,
COMITEM PALATINVM RHENI,
SACRI ROMANI IMPERII ARCHIDAPIFE-
RVM ac ELECTOREM, LANDGRAVIVM
LEVCHTENBERGÆ.

Serenissime Princeps Elector
ac Domine,
Domine Clementissime.

Pvblica privatam movet
monetq; lætitia; Quippe

Dum lætatur Eques, plauditq; Senator,
ac uniuersa gemit Polonia, mea

XI

quo.

quoq; vota submisit appono. Erit
credo, SERENITAS TVA ELE-
CTORALIS illius exultationis,
cujus est Autor, etiam Fautor.
DEVS nobis hæc gaudia fecit.
Etenim dum ejusdem mirabilis
providentia ad VIENNAM Lu-
næ Turcicæ parat *occasum, occasi-*
onem futuro nunc præfenti Fæde-
ri Conjugali dedit. Dum victri-
cia Christianorum arma *barbarum*
sanguinem palam fundunt, *pij san-*
guinis nexus *occulte* struitur. Vidit
Invictissimus Christianorum Vin-
dex IOANNES III. REX PO-
LONIARVM MAXIMVS, MA-
XIMILIANVM ELECTOREM

BA-

BAVARIÆ. Vterque alterius
Virtute capitur. Hic Regem ut
Patrem veneratur, appellatque.
Ille Electorem ut Filium amat.
Post luctum enim thori vidui ha-
bet

Ana-
gram
ma. ISTHIC MAXIMILIANVS EMAN-
NUEL ELECTOR BAVARIÆ
NUNC LEVAMINA, IT E LECHIA
TERESIA VXOR AMABILIS.

Demitur *m* bono omine, mala ef-
se abfutura. Sic & omen & no-
men conveniunt. Iam olim VI-
ENNA immortalis gloriæ the-
atrum SERENISSIMÆ Do-
mui BAVARICÆ fuit. Nam
ROBERTI VIRTVOSI Fi-
lius PHILIPPVS BELLICOSVS

)(2

nun-

nuncupatus eandem tempore Ca-
roli V. Imperatoris contra Tur-
cas strenuè feliciterq; defendit.
Antiqua redijt famæ novitas, &
inde renovata vetustas Foederum
cum Sanguine Regio Poloniæ na-
scitur. Etenim olim Anno 1475.
GEORGIVS cognomento DI-
VES DVX BAVARIÆ HE-
DWIGEN CASIMIRI IA-
GELLONIDIS Regis Polo-
niæ ex ELISABETHA AV-
STRIACA Filiam in matrimo-
nio habuit. Nunc infigne rebus
Austriacis Hungaricisq; allatum
adjutorium, mutuum adjutorium
(quo nomine sacræ literæ Con-
ju-

jugem exprimunt) SERENITA-
TI TVÆ ELECTORALI affert.
ILLA est SERENISSIMI RE-
GIS IOANNIS III. & SERE-
NISSIMÆ REGINÆ MARIÆ
CASIMIRÆ Magnorum Parentū
FILIA, cujus

- - - *Tanta potentia formæ*
Virtutisq; fuit - - -

Vt Tuum, inclyte Heros, cor invi-
ctū vinceret. Princeps Mense na-
ta *Martio Martiali* sociatur Viro.

Conjuge Vir dignus, digna Virago Viro.
Charitum profectò Decus floren-
tissimum.

Vna trium est, animos aut habet una trium.
Sit ILLA, uti Maternarum Virtu-
tum Heres est, etiam fœcundita-
tis exemplar,
LÆ-

*Lætis ut vireat stirps Celsa Bavarica semper
Ramis, sitq; secunda Virago Polona secūda!*
Dum igitur, ELECTOR SERE-
NISSIME, Regio in Polonia San-
gvini olim junctus, & nunc misce-
ris, non ingratum credo erit SE-
RENITATI TVÆ ELECTO-
RALI, quòd hic Liber, qui RE-
GVM POLONIÆ, ac inter illos
etiam altè memorati CASIMIRI
IAGELLONIDIS EFFATA ex-
hibet, augusto Nomini Tuo inscri-
bitur. Da facilem vultum, Beni-
gnissime PRINCEPS. Licet enim
Iuventus SERENITATIS TVÆ
ELECTORALIS ad Scientiā rei
militaris non alienis præceptis,
sed Tuis imperijs, non offensionibus

bus


bus belli, sed victorijs tradita sit,
tamen Musas tam familiariter in
secretum admittis, ut hoc studio-
rum tēperamento jam minùs Mar-
tem Gradivum refugiant.

*- - Te doctus prisca loquentem,
Te matura senex audit, Te fortia miles,
Hinc amor, hinc veris & non fallentibus omnes
Pro Te solliciti votis, hinc nomen ubiq;
Plausibus auratis celebrant hinc ora figuris.*

MAXIMILIANE & nomine &
re, DEVS Te servet! Exemplum
militiæ, DEVS Te servet! Sit nu-
merus Vitæ & gloriæ Tuæ innu-
merus! Ita vovet

SERENITATIS TVÆ ELECTORALIS

humillimus ac devotissimus servus
NICOLAUS de Chwałkow CHWAŁKOWSKI.



I N N O M I N E
V E R B I
Ineffabilis!
E F F A T A R E G U M
P O L O N I Æ.
P O P I E L I I.
five Majoris.



Abuit ille morem se execrandi, ut sepiſſimè
in hæc verba eruperit; ô utinam à mu-
ribus corroderer!

*Vt à
muribus
corro-
datur
vovet.*

P O P I E L I I.
five Junioris.

H *Ic ſimulatâ gravi infirmitate patruos ſuos*
ad ſe vocavit, atq; audiente Reginâ duce peſſi-
mi

*Morbū
ſimulat
erga Pa-
truos.*

mi facti differuit; Deorum beneficio proximam mortem mihi imminere, & languore, quo me correptum cernitis, edoctus, non amplius fas est, posse me auram vitali frui, vos charissimos Patruos meos dignum existimavi accersere, ut antequam vitam meam exui me contingat, de successore Regni, vestro celeberrimo consilio, cui parere consuevi, aliquid constituam, ut quemadmodum vestro regnavi munere, sic & vestro perenni & immortalivivam beneficio per successionem filiorum. Magis enim me superstitem, quam extinctum, magis viventem quam mortuum existimare potero, si vobiscum meas celebravero exequias, & vestra in me studia palpitante adhuc animam vivens prospexero, quæ mortuo studio & lege humanitatis affinitatisque estis impensu-

fu.

furi, fati enim vocantibus dissolvor, nec fas est mihi vobiscum diutius commorari. Præstare itaque vivo, quod morienti essetis præstituri, impietatis enim censeretis facinus, id viventi abnuere amico, quod etiam non consuevit hostis exanimato negare. *Dlugossus in hist. Polon. tom. 1. lib. 1. p. 70.*

Conspiciens Reginam fallacibus indulgere lachrymis, his eam solatur verbis: Quid, inquit, charissima conjux mæsta mades fletibus? quid luctuosis oppressam te quereris acerbitatibus? viduitatem ne times? At certe his, quos pro tua viduitate tutandam relinquo curatores, superstitibus, ejusdem incommoda te ingressuram ne verearis, sed incolumibus illis, vivum quemvis tuum reputa Parentem. Singulos enim Patruos meos strictam mihi affinitate junctos, quam Baronum

Conjugem falsam marentem consolatur.

A2

me-

meorum præcipuos moriturus obte-
stor, ut in te, natisq; nostris commu-
nibus, mei vivat vigeatq; nominis re-
cordatio, utpotè qui te filiosq; meos re-
liquias corporis mei & dimidiū ani-
mæ meæ illis relinquam. *Id. p. 71. Tan-
dem secessuris Patruis manum quasi valedictu-
rus, simulq; venescum porrexit poculum, quo po-
stea extincti, atq; ex cadaveribus nati sunt mures,
quorum Popielus factus est pabulum. Sic Patris
supra allegatum votum in filio impletum est!*

BOLESLAI CHROBRI.

Salutem
publicā
curat. **D**icere Rex ille solitus; Malle se gallinā
vescentem salutem atq; tranquil-
litatem suorū tueri, quā delicijs in-
dulgentem pati, ut quispiam vexare-
tur, aut opprimeretur *Cromer. in Chron.
Pol. lib. 3. p. 44.*

*Antequam ad prælium cum Ruthenis veniret,
apud milites suos hæc fecit verba; Probitatē-*

vestram, ô milites, in pluribus bellis &
periculis retroactis frequentius exper-
tus, certamen cum hostibus, qui nobis
multò plures numero sunt, est ineun-
dum. Cum aliud agere honestas dissva-
deat, vos duco, verbis meis nihil qui-
dem vestræ virtuti adjecturus, verum
ea quæ imminent, quæq; verisimiliter
contingere possunt, commemoraturus:
hostem enim cernitis, & suapte, &
nostris provocatum armis infensum
dissolutione defluxioneq; exercitus
nostri, qui neq; colligi neq; revocari
absq; evidenti nostrâ clade & pericu-
lo potest cervicibus nostris, & de vi-
ctoria gloriabundum, imminentem.
Itaq; si vivere honestè in libertate vo-
lumus, si penates nostros & conjuges,
& liberos servare, si partis victorijs
gloriari, & subjectas nationes sub iugo

^s Milites
suos cō-
tra hostē
animat

& tributo detinere; si deinde Russiam ipsam tributariam nobis facere, & optima spolia, atq; captivorū mancipia, ex ea relata possidere libet, ferro armisq; hostis, numero quidem magnus, sed animo imbellis & ignavus submovendus est, & inanis spes reportandæ victoriæ, quā jam inflatus superbit, & tumet, vestris dextris eripienda. Quid enim proderit Bohemos vicisse, illosq; & Moravos ditionis nostræ fecisse, cæterasq; nationes in circuitu debellatas humiliasse, si Ruthenorum armis victi, & ab hoste timido fugati, & pavore debellati, sic singulis, quæ virtute quæsimus, exuamur? Fines Regni nostri propagaturi, bellum Ruthenis indiximus; nisi nunc hinc victores evadamus, amittimus propagatos. Ego in cœlestium confisus auxilio,

lio, spero me vestrâ virtute die hodiernâ insignem victoriam ex hac hostium multitudine relaturum, meisq; superioribus victorijs famosum & clarissimum titulum hujus victoriæ eventu adjecturum, spe optimâ plenus optimè vos sperare jubeo. Quæ si non subesset, necessitas tamen, quæ maximum ac ultimum est telum, stimulare nos deberet. Quocunq; enim nos vertamus, ô milites, ad extrema perventum est, fugæ enim prædas nobis præsertim hostiles vehentibus, nulla facultas circumfusus undiq; hostium copijs, & nos impigrè observantibus. Deditio verò hostibus, perpetuam vililitatem & turpitudinem nomini meo atq; nostro generi inureret. Auxiliarias verò ex Polonia præstolari copias eorum esset, qui certaminis possent de

declinare discrimen. At nostrâ paucitate hostes conspectâ perpeti in prælium armantur fervore, dum itaq; virtute non possumus, necessitate superiores evadamus. Cura igitur mortis & vitæ præsentis spe circumscripta, unusquisq; vestrum ruat in hostem, jugulum hosti fracturus magis quàm præbiturus. Paucorum annorum accessio unumquemq; vestrum non moveat, cum etsi nunc servati, post tamen nihilominus peste, morbo, vel casu aliquo simus morituri. *Milites hâc adhortatione incensi tam fortiter rem gesserunt, ut hostilis exercitus magnam partem cæsus sit. Dlug. tom. I. l. 2. p. 146. & 147.*

Invalescente morbo Prælatos & Barones Polonia accersit, cepitq; plures de conservando stabilendoq; Regno cum illis conferre sermones, contestans, & per beneficia, quæ Regno & illis præstiterat, & per coronam, quam

suâ

suâ virtute & sudore quæstiverat, & dilataverat, obligans illos atq; rogans, quatenus morte suâ secutâ servarent concordiam, unionem & charitatem, & ad filium suum, quem in spem successionis universi Regni Poloniae unicum relinquebat, Miecislauum Ducem nepotemq; nomine Casimirum omnem converterent favorem & respectum, & illum in Regem assumentes, Regio Diademate insignirent. Filio quoq; Duci Miecislao tunc præsentî, & ad lectum cum consorte & infante Casimiro adstanti, longo sermone serîo præcipiens, ut virtutum suarum æmulator existens, divina in primo & præcipuo retinens cultu, Consiliarios in honore, cæteros subditos in justitiâ & æquitate contineret. Voluptates autem molli-

B

ar-

Proces-
res ad
concor-
diam &
ad favo-
rem fi-
lio suo
exhiben-
dum ad-
horta-
tur.

Quomo-
do se fi-
lius ge-
rere de-
beat præ-
cipit.

armis tractandis occupatus heroicum quoq; virum se exhiberet, asserens, nationes finitimas à se armis subactas, nisi potentiâ & armis in fide continentur, facile jugum detrectaturos, & nervo subjectionis, & obedientiæ, quo hætenus tenebantur, abjecto rebellaturos. *Dlug. Tom. 1. lib. 2. p. 163.*

Cum ante obitum Proceres peterent, quibus honoribus vellet, ut funus ejus prosequerentur, tum ille respondit; Nil aut parum interest mandare mihi, aut eloqui, quâ gloriâ, quave dignatione à vobis post fata debeam funeris officio efferri, neq; fas vestrum super morte meâ mærorem judico circumscribi, neq; enim adeo angustè & ignaviter scio me vixisse, ut operum meorum recordatio aliquando debeat apud vos quacunq; limitatione concludi, verum etsi à vobis ordine
fa-

Honores
funeris
sui non
vult
prescribere.

fatorum subtrahor, conscientiam tamen clarissimorum operum meorum à me editorum & secundo favore rerum à me gestarum eâ spe plenus decedo, ita me in vestris pectoribus celebratum iri existimo, ut non à vobis tantummodò, & filiis, nepotibusq; vestris, sed ab universa Gentis Polonæ posteritate, quocunq; ævo successurâ coli debeam memoriâ sempiternâ, & novis, atq; exquisitis suffragiis à genere Polonico in regiminis mei honorem apud cœlestes & quosvis mortales attolli. Noscitis quidem me à puero firmatum taliter & inspiratione divinâ magis, quàm humanâ sic institutum fuisse, ut ad erigendam, ornandam, locupletandam Patriam hanc omnes vires, facultates, & ingenium scrupulosâ intentione converterim, ac pro ejus incremē-

Prospe-
ram sui
memo-
riâ spe-
rat.

to nullum laborem, nullumq; periculum, usq; in diem hanc exhorruerim, primisq; meis partim moribus, partim victorijs Regiam illam dignitatem obtinuerim, ut nemo quantumcunq; iniquus eorum æstimator dubitet, me à Majoribus meis virtute, & bellica laude, domesticisq; institutis adeo perluxisse, in Patriam quoq; tam frequentia ornamenta, tam immortalia beneficia contulisse, ut sim meæ domus posteris notæ excellentiæ & nobilitatis vertex, & Regiæ stirpis prima & clarissima propago, patriæ verò Parens præcipuus, suiq; splendoris autor primarius & origo. *Dlugoff. ibid. p. 165.*

Dum Proceres certatim eum laudibus extollerent, & universa Regia blando murmure personaret, Rex iterum sequentem emisit sermonem: Mihi quidem in præsentì agone consti-

stituto, non quo loco condar, quibusve officijs funeri meo iusta solvantur à vobis, infidet sollicitudo, quippe per funeris pompas per vos celebrandas nequicquam mihi reor profuturas. Altior autem de vobis & vestra Republica distinct, & singulari cruciatu cōfiscit cura. Video siquidem, & è longinquo divinitate mentem meam inspirante contemplor Rempublicā Poloniæ quam speciosam atq; florentem relinquo, per seditiones, divisionesq; vestras civiles direptum, & pessundatum iri, quantumq; cruoris domesticis bellis Polonia futura sit, quantisq; cædibus me abrepto parentatura, contemplor, jamq; hostilium castrorum & eorum quorum cervices vobis subjugaveram fremitum in vos, & patriam hanc grassantium exaudire mihi vide-

*Prædicat
futura.*

or, video & prolem profapiamq; Regiam meam hinc exulantem hostibus, quos domaveram, supplicem fieri, & monarchiam Regni Poloniæ in varia divisionum monstra scindi, & horrendâ bellorum ciuiliū inuafione, iusto DEI permittente iudicio, cujus cultū religionemq; negligentius & tepidè, in luxum, voluptates, & seditionem versi, tractabitis, collidi, sola quoq; hæc doloris anxietas, etiamfi morbus non urgeret, animam effet exclusura, nisi multitudine malorum imminentium spes melior temperaret, miseratione enim cœlesti propitiaturum stirpi meæ, & vobis video Deum, proditurumq; ex lumbis meis suspicor, in clarissimi syderis morem unum, qui penè languidam, & exanguem Rempubli-
cam Polonicam & terminos ejus à
fini-

finitimis occupatos restituet, qui instaurabit dissoluta, qui superbiam humiliabit hostilem, qui gladij mei capulo conteret, subjicietq; rursus eas, quæ contra vos recalcitraturæ sunt nationes, Regno Poloniæ mirificum jubar, pristinumq; fulgorem suo ductu, suisq; viribus, auspicijs, & operibus infusus. *Dlugossus tom. 1. lib. 2. p. 165. & 166.*

M I E C I S L A I II.

Post auditam Patris Boleslai Chrobri ante mortem adhortationem pollicitus est, se fore paternarum virtutum sectatorem, & operum adiutorem, ne quâ occasione sibi Regnoq; Poloniæ segniter se gerendo, nebulas offundat. *Dlugossus ibid. p. 163.*

Promittit quod sequi velit paternas virtutes.

CASIMIRI I.

Oratori-
bus Re-
gnum
offeren-
tibus
modestè
respon-
det.

O Ratoribus ex Poloniâ, ut ejusdem susciperet Regnum, respondit modestè obortis lachrymis; Exilium suum non ipsis, verum arcano DEI judicio, & nonnulli fortassis parentum suorum culpæ se imputare; casum dulcissimæ Patriæ, quam sui Majores florentissimam reliquissent, misereri, & adjutam eam omni ope & consilio velle, si integrum id sibi sit. Nec ignorare, majoris esse pietatis, & meriti publica administrantem multorum saluti consulere, quàm privatum, & in solo loco conclusum, innocentiam vitæ suæ tueri, sed alieni jam se juris factum esse, dictam semel DEO, atq; iis, quorum se potestati ultrò subjecisset, fidem fallere non posse. *Cromerus in Hist. Polon. lib. 4. p. 50.*

Cum

Cum dispensante Summo Pontifice imperium in se suscepisset, atq; Poloniæ fines attigisset, ibidemq; magno suorum plausu veniam præteritorum petentium exciperetur, ille lachrymans & ipse, comiter omnes consolatus, suspicione culpæ, metuq; supplicij liberabat. Quidquid factum esset, non sine divino nutu factum pro suis fortasse & majorum suorum meritis. Adesse jam se, quem alij vitæ generi deditum, & in eo acquiescentem, tanto studio expetiissent, & revocassent, salutem omnibus, ac non perniciem cuiquam afferentem. Confidere autem se vicissim, ipsos omni fide atq; benevolentia complexuros se esse boni ac vigilantis Principis officio fungentem. *dictus Crom. ibid.*

Cum præfatus Casimirus I. se moriturum agnovisset, Primores Regni sui Posnaniam convocavit, & pluribus limatisq; verbis apud eos concionatus, quatenus concordiam & justitiam

C

tiam

Amnestiam, ac
vigilantiam in
regimine de-
clarat.

Concor-
diam, fi-
liumq;
suū cō-
mendat.

tiam summoperè colerent, ut morte
suā secutā primo genitum filium suum
Boleslaum prudentiā & natu majorem
pro Rege susciperent, *quod etiam factum
est. Dlugossus in Hist. Pol. tom. 1. lib. 3. p. 227.*

BOLESLAI AVDACIS.

Consiliū
de ma-
trimonio
acceptat.

Cum eidem Proceres suaderent, ut stirpi Re-
giae per matrimonium prospiceret, respondit;
Etsi nondum attigisset ætatem quæ te-
das conjugales magnoperè expeteret,
satis quoq; temporis ad onerandum se
conjugali jugo restaret, vereretur insu-
per, ne amor futuræ sponsæ illū acrē &
ad bella gerenda, inferenda & repel-
lenda ferocem animum efficeret lan-
guidū & remissū, petitis tamen Con-
siliariorum suorum satisfacere velle.
Dlugossus tom. 1. lib. 3. p. 239.

*In expeditione contra Russos milites suos hoc mo-
do*

do allocutus est; Non ignoratis, milites, Ad re-
cuperan-
dā Russi-
am gra-
vissimē
milites
adhorta-
tur.
complusculos jam annos Izaslaum co-
gnatum nostrum Principatu suo pa-
terno injustè pulsum, apud nos exula-
re, eiq; restituendo nos hanc operam
dare existimatis. Nec sanè fallimini.
Debemus hoc propinquitati, debemus
humanitati, quin ita hoc naturā com-
paratum est, ut afflictae Principum for-
tunæ Principes quamvis alienos maxi-
mè ad misericordiam moveant. Sed
nobis hic nos etiam serimus, milites,
scitis quantum nobis imperium, quam
amplam gloriam Majores nostri reli-
querunt, & ut alios præteream, Bole-
slaus quidem Proavus meus, imperi-
um hoc nostrum Borysthene, Albi &
Sala fluvij, Sarmaticis montibus, &
Germanico Oceano, gloriam verò no-
minis Poloni iisdem penè, quibus or-

bis terrarum clauditur, finibus, terminavit. Nunc quanto nostro cum dedecore, & imperium hoc accisum, & gloria obnubilata sit, quis nescit? Equidem vix teneo lachrymas, quod ad Patrem Avumq; meum hæc infamia inprimis attinet, tametsi Patrem vestra excusat injuria, & afflictæ nimium Inter-Regno vires. Avo veniam, nisi sim ipse ignavissimus, dare non possum. Verum enim verò eam à genere nostro detergere, Russiam Regno huic rursus adjicere, columnisq; Boleslai, quem ego ut nomine refero, ita & factis referre cupio, imperium nostrum terminare mihi in animo est. Quod vobis placere debet, milites, nisi forte à virtute majorum vestrorum degeneravistis. Atq; majores quidem nostri, gentem hanc sibi prius inco-

gni-

gnitam adierunt, vexarunt, debellarunt. Nos jugum excutientem & quidem domesticorum nostrorum malorum, non suarum virium fiducia non ulciscemur? non ad officium revocabimus? nisi fortè ubertas soli illius admiranda, hominum ingens opulentia, & ex rerum copiâ ortus luxus, atq; mollicies ab hoc bello vos deterret, milites; At ego, nobiscum hæc omnia contra ipsos facere judico, quin ista ipsa inprimis ad spem luculentæ prædæ nos invitant. *Sed exercitus hostis fugere, quàm dimicare, maluit. vid. Crom. in Chron. Pol. p. 56. 57.*

Anno sequenti 1074. cum castra ad Kioviam movisset & obvium sese ipsi offerret Vussevoldus cum valido exercitu, ut de prælio de summâ rei decerneret, Rex, quod inprimis cupiebat, a-

Milites
ad forti-
tudinem
horta-
tur.

deptus, acies contra instruit, milites paucis cohortatur, ut optatam conficiendi illius belli occasionem ab hoste præter spem sibi oblatam elabi è manibus ne finerent, & extremum illum ejus conatum desperatione magis, quàm spe vincendi susceptum, fortiter retunderent, eundem esse, qui prius ad manus venire nunquam ausus esset, & ex ijs militibus ferè collectum, qui victi prius, ac vel fugâ elapsi, vel deditione factâ dimissi à se essent. Si ipsi viri esse pergerent, penitus debellatû iri eâ victoriâ, nec nisi præmia belli, & ea quidem amplissima ipsis reliqua fore. Quod si quid eos paululum falleret, cogitarent in hostico se esse, ne eos quidem quieturos, quos pacatos à tergo reliquissent, adniterentur, ne fortuitò, sed suâ virtute atq; fortitudi-
ne

ne superiores victorias adepti esse viderentur. *Obtigit plena, nec incruenta tamen Boleslao victoria. Crom. de rebus Pol. lib. 4. p. 59.*

BOLESLAI III. cognomento CRIVOVSTI.

ANte prælum contra Pomeranos & Pruthenos hisce verbis milites allocutus est; Non superest, inquit, milites, spatium, quo vos, ut solebam pugnatu-
ros, alioqui possim, hostis enim quem sæpè vicitis, in conspectu vestro præsens, multa me loqui non finit. Animo non verbis opus est, si sincerè velimus, nihil me verbis meis vobis additurum reor, si probitas vestra vos deseruerit. At ego de probitate vestrâ dudû mihi cognitâ
cer-

Milites
ad ani-
mosita-
tē ma-
net.

certus, certam mihi victoriam repro-
mitto, quam ut eripiat hosti in mul-
titudine & feritate suâ confidenti,
præfens etiam necessitas & amor pa-
triæ monet. Si agrum, quem colimus,
si patriam, si penates, si uxores, si Tē-
pla, si labores, & quæcunq; charissima
salva volumus, Pomeranorum & Pru-
thenorum hostium infestorum nobis
sanguine inundare oportet. *Dlug. tom.*
i. l. 4. 358.

*Patrem
memo-
riam colit.* Patris sui Vladislai Hermannii effigiem in nu-
mismate aureo è collo suspensam circumferebat, &
quoties majoris momenti negotium aliquod decer-
nendum occurreret, ori illam admovebat, & ve-
nerabundè deosculans solebat dicere: Avertat
benignissimus DEVS, ne quid ego in-
dignum Regio tuo nomine statuam! *Saavedra symbol. 17.*

*Vbi mortem appropinquare sibi sensit, convoca-
is Proceribus, qui officij causa undiq; convenerant,*
et-

& quatuor filiis astantibus de concordia apud eos
verba fecit, partitusq; omnia, quæ tunc erant
polonica ditionis inter quatuor filios, principatum
& summam rerum penes Vladislaum natu ma-
ximum constituit, ceteros ejus auctoritatem sequi
jussit. In partitione quintum filium, qui supe-
riore anno natus erat, præterierat, id Proceres <sup>De diti-
onibus
inter fi-
lios di-
sponit.</sup> eum oblivione fecisse existimabant. Itaq; admo-
nent, ut ne illum exortem patrimonij relinquat.
Respondit Princeps; Iam illi quoq; portio-
nem suam esse designatam. Admi-
rantibus cunctis, Non advertitis, in-
quit, in curru inter quatuor rotas quin-
tam esse partem currus, cui homines
insident, & onera imponunt, quæ qui-
dem à rotis sustentatur, atq; portatur.
Eum igitur locum inter quatuor fra-
tres quintus obtinebit, illisq; suo tē-
pore succedet. *Sarnicius Annal. Pol. lib. 6.*
p. 245.

VLADISLAI II.

A Pro-
ceribus
postulat,
ut unum
se patri-
arum di-
tionum
velint
heredē.

Cum molestè ferret divisum Principatum, si-
biq; erepta esse duceret ea, quæ fratribus pa-
ternâ voluntate, cunctaq; Polonia consensu cesse-
rant, stimulo Christinae uxoris coram Senatu
convocato questus est, Perniciosam esse
Reipublicæ partitionem Principatus à
Patre suo institutam, propterea quòd
multitudo Principum cum hostes ad
invadendum audaciores, tum cives ad
resistendum infirmiores redderet, cu-
jus rei aliquem gustum parvo tempo-
ris spatio ipsi cepissent, vexati impu-
nè à Bohœmīs; qui non modò com-
movere se, dum penes unum Patrem
suum fuit imperium, ausi non essent,
verùm etiam pacis conditiones ab eo
accepissent. Neq; verò diu quietam
esse posse ab intestinis discordijs atq;
ci-

civilibus bellis eam Rempublicam,
quæ à pluribus exæquato dominatu
non certis legibus, sed arbitrio cujusq;
gubernetur. Nec diu majestatem u-
nius cujuspiam ab ijs conservari sole-
re, qui non modò genere, sed viribus
etiam & potentiâ uni illi pares se esse
sentirent. Exemplo esse recenti penè
hominum memoriâ Signeum, qui li-
cet genere impar fratri Boleslao, ta-
men, quod Pater cum illi ex justâ uxo-
re suscepto exæquasset, tantis malis,
cladibusq; Rempublicam involverit,
ut eam everfurus omninò fuerit, nisi
justa fratris indignatio aliquando ta-
men eum de medio sustulisset. Bœ-
mos quoq; & Russos vicinos suos nul-
lam aliam ob causam civilibus bellis
inter se ad excidium penè collidi,
quàm quòd in multos divisa sint eo-

rum imperia, quocirca vellent, juberent, ut penes unum se, quem primogeniti prærogatiua cæteris fratribus prætulisset, verè esset Regnum, attributurum se esse fratribus aut definitos è fisco suo redditus, aut verò agros nonnullos & territoria, in quibus illi vitam honestè sustentare queant nec tamē calcitrandi materiā, aut occasionem habeant. Multò esse præstabilius paucos quosdam incommodo ac detrimento affici, quàm universos perire.

Sed adversos expertus est Proceres. vid. Crom. lib. 6. p. 94. 95.

MIECISLAI SENIS.

In viam reduci nō vult. **C**um Gedeon Antistes Cracoviensis illum in viā reducere conaretur, ut ab impositione tributū atq; incognitā ante colonis fisci avaritia abstineret, respondit; Jure se non injuriā quic-

quicquam egisse, & tam tributorum novorum impositionem, quam evectionum & pænarum exactionem legitimam esse, nec aliter Regnum administrari posse. Nil sibi cum Regibus & Principibus antiquis commune esse, se suo sensu suoq; ingenio duci, & suo arbitrio, non illorum exemplo actiones suas se moderari. Tam bono in super & eleganti ingenio se præditum, ut non vellet ejus, aut cujuscunq; admonitionibus indigere. Desineret proinde se laceffere, & Pontificalibus potius rebus velut proprijs intentus, publica sibi curanda permitteret, non enim se ullā persvasione aut pacto ab ijs, quæ aggressus esset, sciret, cessaturum. *Sed cum nullis admonitionibus emendaretur, abrogatum illi imperium est. vid. Dlug. tom. 1. lib. 6. p. 476.*

Miecislauus ille versutiarum plenus eam fortunæ fidem expertus, qualem alijs præstabat, sermone innuebat subinde: Fidem fervare eorum tantum esse Principum, quibus frangere aut non integrum, aut non necessarium esset. Pastorius in Floro Pol. lib. 2. p. 77.

CASIMIRI II.

Pincipi huic cum aliæ virtutes, tum unum maximè moderati animi specimen studia Polonorum conciliavit. Quidam ex aulicis ejus ad aleam invitatus victusq; extremo jactu, cui tota sors producti in serum noctis ludi committebatur, ita efferbuerat, ut vincenti Casimiro, non modicum auferenti, colaphum duceret. Cum noctis beneficio elapsus, ac postridie comprehensum omnium sententiæ capitis reum pronunciarent, Minimè gentium, inquit Casimirus, eum occidi oportere, qui dolore grandis jacturæ incogitans deliquisset, & cum fortunam,

nam, à quâ damno affectus erat, ulcisci non posset, in se fortunæ alumnum commotus esset. Se magis in culpâ esse, qui conditionis suæ ac dignitatis oblitus, eum ad ludendum provocasset. Non modò igitur se illum absolvere, verum etiam ipsi gratias agere, quòd se ictu illo admonuisset, ne quid indignum Principe in se admitteret, nec se ludo, aut ulli rei levi, ac inhonestæ deinceps daret. *vid. Crom. lib. 6. p. 109. & Pastorius in Fl. Pol. lib. 2. p. 71.*

Proceribus sceptrum fratris offerentibus respondit. Non primum quidem Proceres die hodiernâ de Monarchiæ Principatu suscipiendo à vobis convenior, dudum & in vitâ fratris mei charissimi Boleslai Crispi à Iuxa, & Svantoflao Comitibus pari petitione urgebar, sed nunquam rectum putavi, ut
fra-

Imperiū
recusat.

fratris mei turbarē statum aut de jure & dignitate ejus quicquam detraherē, sed omni Regno atq; imperio præstatiorem duxi fraternæ pacis & concordie pietatem. Qui itaq; tunc uni fratri fidum me præstiti, quâ fronte, modestiam meam inquinaturus, alterius Principatum usurpabo? præsertim cum illum filiali semper devotione coluerim, & reciprocè ab eo paternâ amatus fuerim charitate. *Dlugossus tom. 1. lib. 6. 478. & 479.*

Licet, cedendo precibus Procerum, Regnum acceptaverit, tamen de restituendo fratre, ad Senatū verba fecit; Nimis acerbo animo, Proceres, Mieciſlai Ducis, qui mihi unicus frater relictus est, exilium ferro, plurimumq; ejus, & natorum qui alterum me parentem existimant, calamitatis me miseret, à quo
cre-

Pro restituendo
fratre
intercedit.

crebro, ut illum in suam hereditatem Principatum restituam, exoror. Iustam ego Proceres, petitionem ejus existimo. Monarchiæ quoq; Principatu se abdicanti sortem hereditario jure eum concernentem reddi illi æquū censeo, ac iniquum reor, si eo vivo, & spirante, aut filius ejus Otto, aut cæteri in ejus vivant dominio, & ipso calamitate atq; exilio affecto, illi gloriosi atq; splendidi refulgeant. *ibid. p. 488.*

Ad prælium contra Ruthenos capeſcendum milites suos monuit, eosdem esse hostes, quos ipsi cum aliis sæpe numero, tum superioribus aliquot annis apud Poſnaniam fratribus suis Ducibus pauci multos vicissent, atq; profligassent, alacritatem illam inconsultæ temeritatis, convicia verò mulierositatis esse

Milites
ad fortitudinem
animat.

E

ar-

argumentum, ipsi qui se viros semper quam mulieres esse maluissent, manu ferroq; maledicas linguas ulciscerentur, seq; indignos esse illis maledictis, dignos maioribus suis Russiæ domitoribus ostenderent & manibus partim patrum, partim propinquorū suorum, qui ijs ipsis in locis, non virtute, sed dolo, ac prodicione victi cecidissent, sanguine perfidorum hostium parentarent, *Hisce animati ac in aciem educti milites victoriam obtinuerunt. Crom. lib. 6. p. 113.*

LESCI ALBI.

Expedi-
tioni
bellicæ
optat ad-
esse.

Cum Nicolaus Palatinus Cracoviensis destinaretur copijs militaribus in Haliciam cum Regno Polonia uniendam, Lescus Albus in lachrymas resolutus, ut in comitem illius expeditionis assumeretur, primum Curatores deinde Consilianos singulos blandis hæ-

hærens amplexibus precabatur, pertæsum se esse, *inquiens*, mollis & otiosæ vitæ, quam eousq; inter cætus muliebres apud matrem exegisset, velle deinceps armatum inter armatos viros versari, & quæ Principis essent munera, usu condiscere, si adhuc nequiret alium, tamen eum se usum in exercitu præstiturum, quem signa sua præstarent. Quòd si non impetraret, tamē vel cum uno comite se castra secuturum esse. *Crom. lib. 7. p. 120.*

LESCI NIGRI.

Ubi haud longè se ab hostibus Lithvanis & Iazygibus qui se in Lublinensium regionem infuderant, abesse sensit, advocatis in concionem militibus gravi oratione eos in hostem animat, ut viri se esse pergerent, & conjugibus ac liberis dulcissimis, propinquis, E2 ne.

Milites
ad vindi-
cā hor-
tatur.

necessarijs, atq; etiam agricolis suis, qui in foedam servitutem abducerentur, subvenirent. Cæsos fenes atq; parvos pueros, vastatos agros, incensas villas, pagos & oppida, direpta fana, violata sacra naviter ulciscerentur, & insignem suam Patriæq; communis ignominiam, vel cum vitæ suæ discrimine, vindicarent. Honestissimum esse pro Patriâ & pro aris & focis dimicantem occumbere, gloriæ, quàm vitæ bonos fortesq; viros cupidiores esse debere. Non provenire autem magnam atq; solidam gloriam sine magnis periculis. Neq; tamē eò se hæc dicere, quòd de virtute & alacritate eorum dubitet, aut quod periculosum admodum cum hostibus certamen fore crederet. Eosdem enim esse, quos anno superiori intra ipsorum jam fines

nes penè ad internecionem, nullo de suis amisso, profligassent, quiq; clandestinis modò invasionibus vicinos infestare soliti, irent ergò alacres, cæsisq; suis eorum sanguine parentarent, & captivos opem suam lachrymis & ejulatibus implorantes liberarent. *Crom. de rebus Pol. lib. 10. Notandum, quòd in hoc prælio an. 1282. omnes Iazyges quotquot adhuc supererant, occidione perierunt, ut hodie nonnisi nomen supersit. Sarnicius in Annal. lib. 6. p. 288. Pastor. in Flor. Polon. lib. 2. p. 92.*

VLADISLAI LOGTICI.

C*Vm exercitum contra Cruciferos admovisset, ad hunc modum suos allocutus est; Si quātum ore habituq; præferunt hostes, tantam moribus ac factis ostenderent* Militib, suis contra Cruciferos stimulos addit. *Numinis curam; bellum, milites, aut nullum cum illis, aut omninò injustū*

E3 ge-

gereremus. Nec enim inter sacræ militiæ consistentes munia, violentam in nostra injicerent manum; & sua servantes improbè à nobis oppugnarentur. Sed nimirum malè respondent illi instituti sui legibus, turpiterq; ex propugnatoribus Christianæ religionis in magistros avaritiæ & immanitatis, in cruces turbatoresq; vicinorum Principum degenerarunt. Alia eorū facinora ne memorem, in nos patriamq; nostram, quæ illos insana impiāq; habendi cupiditas armavit? profugos olim & sedibus suis exutos cognati Principes nostri in partem belli quidem, sed & terræ simul suæ vocarunt. Hic afflictæ prioris fortunæ allevationem, hic nova hæc, quæ videtis, incrementa cepere. Expectanda nobis erat gratia; illi vim inferunt, illi focos, in

in quibus nefari scilicet aspides recaluere, diripiunt, atq; etiam si liceat, ereptum nobis eunt. Pomeraniam jam dudum est, quod sibi usurpant, magnæ etiam Cujaviæ parti incubant: & his tamen adeò non satiatur illorū avaritia, ut velut irritata magis, in intima patriæ nostræ viscera ungues promittat. Verum modum his, quem sibi ponere nesciunt, ponet hodie, spero, Numinis vindicta, & nostra, commilitones, virtus. Quam jam pridem ablatarum Provinciarum injuria, malè habiti ab illis agri subditiq; nostri, profanata à sacris nempè militibus templa, ita acriter stimulant, ut vix difficilius jam fore videatur vincere hostem, quam fuit hactenus, in prælium vos ruentes tenere. Nec ullo sanè degeneri metu ardorem vestrum inhibui;

bui ; sed quia malis bonisq; rebus meis edoctus scio, quantum possint in bello momenta temporum atq; occasionum. Has profectò qui prudenti patientiâ speculari novit, securus vincit, vel si fortuna omninò rectè etiam consultis repugnet, vincitur saltem serius atq; excusatius, sæpè parvis copiis magni exercitus, iniquo vel loco vel tempore deprehensi debellantur. Sed nobis, milites, hodiernus dies tot offerens benè gerendæ rei opportunitates grande morarum omnium, quas tulistis hætenus, pretium ostentat. Hucusq; numero adeò prævaluit hostis, ut & superare illum arduum foret, & superatis nobis temeritatis insuper expectanda esset nota. Nunc flos exercitus illorum ad subigenda Cujaviæ ulteriora missus est. Sic universos ante
cum

cum discrimine aggressuri, divisos jam absq; negotio proteremus. Sed ut multitudine etiamnum pares vel superiores sint, animo tamen nos non æquant; quos exiguâ mercede autortos, caterva undiq; collecta, & prædandi, quàm præliandi gnarior, pares profectò afferre non potest nostris, quos pro patria dimicantes, præter nobilitatem ingenitam, summa belli non æquitas tantum, sed necessitas acuit. Ac clamor illorum dissonus, quo omnia jam isthîc perstrepunt, nōne pavorem, & festinatione se sua implicantem trepidationem arguit? scilicet cautionem nostram ignaviâ forsitan hætenus interpretati, quia non provocavimus, nunquam provocaturos credidère; aut fecialem puto, expectarunt, qui ad prælium paratos esse jubent.

beret. Discant age nunc exitio suo, non esse tum pugnandum, cum cupit hostis; & periisse rerum agendarum occasiones, cum utrinq; sciuntur. Cæterum quos perculsos ita anxiosq; audimus, major mox, milites, occupabit deiicietq; consternatio; cū Samotulium nostratem olim Palatinum, illorum hætenus castra pravo consilio sequutum mutato animo, in illos, pro nobis arma stringere videbunt. Id quidem facturum se recipit, nec, nisi penitus Polonus esse desijt, enisurum dubito, ut iras civiles in exitium hostibus verfas, crimenq; perfidiæ egregio decore expiatum nobis, Patriæq; probet. Sed & vos, commilitones, certus sum, ita acturos, ut & civis resipiscantis studium viso vestro pro Patria pugnandi ardore crescat; & opera ejus

jus à nobis ad communicandam victoriæ gloriam admissa, minimè requisita ad obtinendam videatur. *Egerunt rem fortiter Poloni, sed nec Cruciferianis virtus defuit, donec præfatus Szamotulius terga eorum incessere cœpit, ubi remisere animos. Pastor. in Flor. Pol. lib. 2. p. 110. & seqq.*

Cum Rex post istam victoriam obequicaret, fortè conspicatus est unum de suis hominem equestreis ordinis Florianum cognomine Szary multis vulnibus debilitatum resupinato corpore jacentem, & ilia per vulnus effluentia manibus cohibentem, conversus est ad comites, dixitq; : quàm magnus huius viri cruciatus! Respondit ille, majorem esse ejus, qui in eodem pago malum vicinum habeat, qualem ipse expertus sit. Rex contra, Bono inquit animo sis! Isthoc ego te malo liberavero, si vixeris. Et sublatus curatusq; totum pagum, amoto malo vicino, Regiâ munificentia adeptus est. *vid. Cromer. in Polonia p. 203.*

Erga
faucium
miseri-
cors &
liberalis
est.

CASIMIRI MAGNI.

Agrico-
larum
querelis
move-
tur.

MIratur de eo Christophorus Varsëvicius, quòd videlicet, cum aliquando agricolæ de Dominis suis questum ad eum accessissent, ita responderit clementissimus ille Rex, desuntne vobis sambuci, & filices, quibus eos ulciscamini. *lib. 1. de optimo statu Libert. p. 120.*

LVDOVICI VNGARI.

De Sce-
ptro Po-
lonico
accepta-
do cun-
ctatur.

Cum Florianus Episcopus Cracoviensis, & Ioannes Strelcius Cancellarius Regni Poloniae Anno 1370. nomine Reipublicæ Ludovico Hungariae Regi offerrent Regnum Poloniae, sed iste cunctaretur, & Legati orando, atq; Ungariae Proceres suadendo instarent, tandem respondit præfatus Rex, Non satis intelligere neq; hos, quid suadeant, neq; illos, quid petant, ex neutrorum enim id referre, sicuti ne duobus quidem gregibus ex-
pe-

CASIM. MAGNI & LVDOVICI VNG. 45
pediat unum habere Pastorem, ita duas respublicas vix ullâ ratione sine alterius incommodo ab uno administra-
ri posse. Venit tamen, & assumpsit Sceptrum Polonicum. Sarnicius in Annalibus Pol. p. 330. Crom. lib. 13. p. 222.

VLADISLAI IAGELLONIS.

Cum hic Rex & Vitoldus Magnus Dux Lithuaniae circa conversionem Samogitiæ laborarent, accidit lepida res Nicolao Wezyk Ordinis Prædicatorum Sacerdoti ad populum præsentibus Principibus verba facienti. Explicabat fortè de suggestu creati orbis seriem sacer Orator, cum grandis natu vetulus Sacerdotis sermonem interrumpens, populum elatâ voce alloquitur; *mibi credite viri, quaecunq; ab hoc juvenculo homine dici audistis; ficta profectò sunt, unde enim ille hæc nosset, cum ego tot annos, & propè seculum integrum vitâ & memoriâ complexus, nequaquam horum recorder. Abisset tota concio in risum, nisi Rex autoritate suâ Sacerdoti fidem fecisset apud*
F 3
popu-

Concio-
natori fi-
dē apud
populum
facit.

populum. Perbenignè enim edentulum illum, tum reliquos allocutus, edocuit, sacros Oratores non ea pro concione dicere, quæ ipsi aut oculis suis usurpassent, aut ætate attigissent, sed quæ pluribus antè sæculis supremi veriç; DEI potentiâ effecta, ex majorum doctrina, scriptorumç; vetustorum monumentis, præcipuè ex divinis libris, haussissent, *Kojalov. in Hist. Lith. part. 2. lib. 2. p. 94. 95.*

Idem in Missæ Sacrificio, cum Sacra Hostia à Sacerdote in altum levaretur, festucam, aut quidquam simile arreptum, minutimç; confractum abjiciebat, affirmando, hoc argumento supremi Numinis in omnia auctoritatem, Regiorumç; Capitem subjectionem se publicè profiteri. Idem part. 2. p. 165.

Cum Posnaniæ in Templo Corporis Christi die Ascensionis imago resurrectionis sursum funibus, juxta morem avitum ejus Festi, traheretur, interdici-

Dei auctoritatē in omnia profite-
tur.
De cere-
monia
die Ascē-
sionis
fieri ju-
diciū.

rogasse prædictus Rex fertur, cujus ea esset imago? Responderunt, DEI. Tum ille inquit, detis ei candelam. Cum verò diabolus in specie draconis dejiceretur ex summitate templi, rursus interrogavit, quid sibi hoc vellet? Responderunt, esse diabolum cælo dejectum. At ille. detis ei duos cereos. Interrogatus quid ita? Respondisse fertur Polonico idiomate, Słuz Bogu, a diabłá nie gnieway. i. e. DEO servias, diabolum ad iram ne concites. *Sarnicius in Annal. Pol. lib. 7. pag. 343.*

Diffuadens Vitoldo bellum contra Tamerlanem, agebat; Præteritis victorijs fatis jam nominis ad famam quæsitum esse, quanto majoribus viribus gerendum bellum susciperetur, tantò plus metus ex variâ bellorum vicissitudine, animo obversari vicinæ potius Prussiæ, à quâ nil fidi sperari posset, arma opponenda, quò propiora inde pericula imminer-

Arma
potius
contra
Prussiam
quàm
Tamer-
lanem
movēda
esse sva-
det.

nerent, eò præsentioribus illic remedijs opus esse. *Kojalov. in Hist. Lith. part. 2. lib. 2. pag. 61. Profligati dein Vitoldiani cæsis plurimis Procerum. ibid. p. 63.*

Cùm idem Rex Vladislaus Iagello contra Crucigeros movisset, finesq; hostis attigisset, expandit acies in latèpatenti planicie, acceptumq; manu suâ vexillum maximum, (cujus insigne erat alba aquila coronata hiantè rostro, & extensis alis) explicat suspiransq; & lachrymabundus sonorâ voce ita fatur; DEVS optime maxime, non mo-

Deo causam belli exponit, cõmẽdatq;

dò factorum, sed & cogitationum omnium cognitor, Tu mihi testis locupletissimus, me invitum ad hoc bellũ cum Christianis qualibus qualibus, Christianis tamen, gerendum condescendere, maximis & intolerabilibus Crucigerorum injuriis provocatum, & officio meo adductum, ut populos à te curæ & fidei meæ concreditos, de rapacibus & cruentis eorum manibus,

&

& infandis contumeliis vindicem. Tu nôsti, consilia me pacis nunquam defugisse, & vel iniqua pace justum bellum redimere cupivisse, si quem religiosi homines insatiabili cupiditati, & irreligiøsæ superbix suæ modum statuere voluissent. Sed quando nihil apud eos mansuetudine & patientiâ vix privato homini, nedum Principi consentaneâ proficio, tuæ justitiæ fiducia justa piaq; arma sumpsi, tuisq; auspicijs hoc bellum explico. Tu, quæso, justiori causæ faveto, & sanguinem Christianorum hominum, qui immaniter hætenus à Crucigeris trucidati sunt, quosq; hoc bellum utrinq; absument, ab illis, qui bello causam dederunt, expetito. *Hæc Rex collachrymante exercitu. Crom. lib. 16. p. 266. Sarnic. in Anal. Pol. pag. 345.*

G

Cùm

Missos
ab hoste
gladios
in omen
victoriae
accipit.

Cum ante praelium inter Grunwaldam & Tan-
nebergam arrogans, & victoriae securus Crucige-
rorum Magister Conradus à Tungingen duos en-
ses sanguine imbutos misisset, unum Regi, alterum
Witoldo, Rex caduceatoribus placide respondit;
Quamvis armorum satis habeat in e-
xercitu, accipere se tamen in DEI no-
mine gladios contumeliae causâ ab ho-
ste missos, atq; ita accipere, ut omen
victoriae, quam sibi armorum traditio
portendat. Nunquam se quidem à
pace abhorruisse, sed quando mallent
Crucigeri, & sanguinem Christianum
tantoperè sitirent, sperare mansuetu-
dini suæ, & iustiori causæ divinum au-
xilium affuturum, ac de illis condignas
crudelitatis atq; superbiæ pœnas expe-
titurum. Omnem autem eam rem u-
nâ cum electione campi se divinæ sa-
pientiae & iustitiæ committere. *Crom.
de rebus Polon. lib. 16. p. 268.*

Cum

Cum sæpè dictus Rex Iagello in castello Grodzk
ad lectum delatus intelligeret, de vita rem agi,
vocatos Regni Proceres inprimis rogat, ne in-
sufficiendo sibi Rege Ladislaum filium
præterirent, pollicentibus singulis su-
am operam, ad Sbigneum Olesnicki
Cracoviensem Præsulem orationem
convertit, annulum digito suo detra-
ctum illi tradit, magnaq; demissione
precatur, ut eorum, quæ ex occasione
dissidiorum in sentiendo accidissent,
veniam sibi indulgeret. *Kojal. part. 2.
lib. 4. pag. 164.*

Pro filio
sibi suffi-
ciendo
intercede-
dit.

Olesni-
cium de-
preca-
tur.

VLADISLAI IAGEL- LONIDIS.

Cum Hungari Vladislao Iagellonidi Regnum
suum deferrent, cunctatus est, sed tandem
Cracoviae post longas deliberationes & grati a-
nimi testificationem propter præsens

Hunga-
riæ Re-
gnū ac-
ceptat.

G 2

in

in se beneficium, Hungarici Regni jus & tutelam suscipere professus est, quantumq; humanâ ope fieri posset, daturum se operam *dixit*, ne tam benigni de se iudicii Hungaros pœniteret. Ipsorum jam esse, curare, ut quæ suorum nomine spopondissent, rata permanerent, se in tempore promissis suis affuturum. *Callimachus in rebus gestis à Vlad. supradicto lib. 1. p. 636.*

Cum postea audivisset, quòd Regina Elisabetha alibi Ladislaum filium quadrimestrem posthumum Regio insigni curauerat redimi, gravi sermone Hungaros allocutus est. Alium ego, Proceres & viri Vngari, alium longè quàm video Regni hujus statum me reperturum esse speravi; credebam enim omnium ordinum hominumq; consensu me accitum esse, ut vobis volentibus imperarem, Turcarumq; arma ab
Vn-

Discor-
dibus se
impera-
turū ne-
gat.

Vngaria depellerem. Itaq; omiſſis rebus Lithvanicis, quæ meam præſentiam nunc maximè requirebant, desiderio vestro, & precibus Legatorum vestrorum satisfeci, & meum ad vos adventum maturavi. At nunc adveniēti alia se mihi rerum facies offert. Non idem est sensus omnium, diversa studia; habet inter vos non paucos nec obscuros fautores Alberti filius posthumus, & jam ab alijs diademate redimitus est. Quid hinc aliud, quàm civile bellum inter vos propediem expectandum est? Ejus ego vobis autor, causaq; esse nolo, Vngari, abundè Regno paterno contentus sum. Vos, me nihil obſtante, quovis modo commodis vestris & quieti, salutiq; publicæ diligenter etiam atq; etiam prospicite, mei verò nullam ducite rationem.

Diadema tamen ipsi impositum est. Cromer. lib. 21. pag. 323.

Cum Vladislaus ille Iagellonides Rex Vngariæ ad Varnam oppidum fugato equitatu Turcico in Ianiczarorum phalangem cum paucis invehere-
Fugam dicit tur pē esse. *tur, revocare ipsum nitebatur Hunniades, sed frustra, nam pedem referre turpe, & se, genereq; suo indignum esse duxit, negans ejus esse, qui bellum inferret, fugere. Tandem magnâ circa se strage editâ, ut vitæ prodigus, ita mortis suæ vindex fuit. Id. ibid. p. 332. Pastor. in Flor. Pol. lib. 3. p. 155.*

CASIMIRI IAGELLONIDIS.

Cum Casimirum Iagellonidem ordines Regni curgerent, ut ex veteri Reipublicæ instituto, jura & prærogativas juramento firmaret, ille in consilio præfatus breviter, non dissidijs fovendis, neq; quòd Lithvanos causâ cadere noller, juramenti tempus tam diu

diu extraxisse, meminisse filium se, fratremq; Regum Poloniæ, quorum acta beneficiaq; inviolata conservari, absq; juramenti religione, ipsis sanguinis pietatisq; vinculis satis obligaretur, neq; nescire suo se periculo rem differre, cum Regnum in eorum manibus agnosceret, quorum liberis suffragijs accepisset, obtestari deinde cæpit, ne affectu agerentur, sed sobria mente dispicerent, quanto Reipublicæ damno id fecisset, ad quod tantâ contentione urgeretur. De Podolia eos
Iuramentū præstandum differt.
dimicare, Lithvaniæ verò universæ amissionem non cogitare, ex cujus secessione, concertatio de Podoliâ, ac Volhyniâ perpetua esset futura, eaq; jam non sententiarum, sed armorum, quorum fortunam etiam in justa causa dubiam esse, nemo nesciret. Quid enim
Podolia & Volhynia.

enim pronius, quàm vulgato Regio de Podoliâ retinendâ juramento, Lithvanos ad comitia novo Duci Lithvaniæ creando convolare, Regem cum prole patrimonio excludere, Podoliæ vires tam validis populis à societate ejus abstractis æternum succidere? Darent igitur adhuc annum, ut celato apud Lithvanos consilio, Luccoriam cæterasq; arces fidorû præsidio occupet, gazam publicam privatamq; evehi curet; his peractis se in potestate Senatus futurû, suaq; spontè facturû ad quæ modò tam intempestivè urgeretur. *Koialow. in Historiâ Lithv. part. 2. lib. 5. p. 216.*

Alijs deinde comitijs Petricoviam indictis, Poloni Regem urserunt, ut fidem ante annum Reipublicæ obligatam exolveret: Rex impetrato ad liberandum die, respondit: si per Religionem, ac æquitatem ea spondere liceret, quibus

Iterum declinare vult juramentum, sed tandem præstat.

bus contraria, DEO teste invocato, Lithvaniæ prius promiserat, absq; ulla cunctatione, se votis Polonorum pridem satisfacturum fuisse, at conscium priorum religionum, quibus se ante obstrinxisset, meritò cunctari, precariq; , ne id à se postularetur, quod absq; violati Numinis injuria fieri nō posset. Quòd si Polonis ea sententia animo stetisset, non excedendi ab ea dimicatione, absq; victoria, facturum se, quæ vellent, ita, nè violati prioris juramenti crimen conscisceret, juraturum nempè veluti Regem Poloniæ, non verò tanquam M. Ducem Lithvaniæ. Rex haud dubius, eò rem inclinare, ut se deserto ad alium deferatur Regnum, tandem se potestati Senatus permisit, juravitq; verbis ex Senatorum sententia conceptis. *Id. part. 2. lib. 5. p. 219.*

H Cum

E F F A T A

Promo-
tionem
Ducis
Olelko-
vitz in
Ducem
Lithva.
differt.

Cum Lithvani instarent, ut in Principatu Lithvaniae nepotem suum Simeonem Olelkovicium Stucie Ducem sufficeret; Rex internum animi sensum, ne intempestivam repulsam irritaret, dissimulavit, atque illud solum praefatus est, negotium grande & ad consilium & ad executionem tempore egere, cuius nunc copiam Prussicum bellum negaret, petit, ut tantisper rem differrent. *id. ibid. p. 227. & 278.*

Bellum
contra
Mosco-
vitas de-
clinat.

Idem Rex declinando bellum contra Moscovitas praeendebat, ærarii inopiam, militum inter tantas temporis angustias auctorandorum difficultatem, nobilitatis ex diurna à bello vacatione ad castra ineptitudinem, ab adverso apud hostem ærarium nuperam prædam locuples, militum bello Scythico exercitatum, vires multitudine validas, animum successibus erectum. Concludebat inde, plenam

CASIMIRI IAGELLONIDIS. 59

nam rem temeritate esse, fortunam publicam in eo rerum statu imparibus armis committere. *Prævaluit Regis sententia. Kojal. part. 2. lib. 5. p. 249.*

Postquam filio suo Ioanni Alberto enixe commendaverat, ut Regias vices, quam posset, maximam dexteritate in castris contra Scythas obiret, ille mandata impigre executus est, atque cum ante conserta signa Scythæ sagittis à longinquo rem gererent, hortatus est suos, ut permissis equo frenis sub ipsa hostium signa concitato cursu contenderent, & adempto arcuum usu, ad gladios prælium deducerent. Hortanti miles miram alacritate obsecutus, simul & formam pugnae, & fortunam variavit. vid. dictus Kojal. p. 2. lib. 5. p. 253.

Adhortatur milites, ut sub ipsa Scytharum signa contendant.

Cum medicus iussus esset de vita sæpe fati Casimiri disertè respondere, ac spem nullam fecisset Rex, illud unicum effatus, moriendum ergo, Postquam condito testamento, ad Polonos Proceres orationem vertit, ut vellent Ioannem Al-

Moribundus intercedit pro filiis

bertum sibi mortuo surrogare, tum propè cum lachrymis Lithvanos brevibus allocutus, postulavit, ut Alexandrū Lithvania præficerent, Ioannem deinde, & Alexandrum monuit, ut Sigismundo fratri providerent. *Id. ibid. p. 258.*

IOANNIS ALBERTI.

Curosvā-
tij moni-
tionem
malè
fert. **C**um eundem Cressus Curosvantius Cancellarius & Episcopus Vladislaviensis ab institutā expeditione, quā Bucoviensem vocant, revocare conaretur, objurgavit illum inquit, Sacerdotem Sacrorum, non belli curam gerere debere, se autem vel indusium suum concrematurum esse, si id consilij sui conscium esse sciret. *vid. Sarnic. in Annalib. lib. 7. p. 370. 371.*

ALEXANDRI.

Cum Alexander M. D. Lithvania, cum fratre Ioanne Alberto Rege Parczovia absq̃ ar-
bitris

bitris consilio habito, decrevisset, Valachum persequi bello, atq̃ interim spargeretur, Turcas magnis viribus in Poloniam bellum adornare: Expeditionem contra Valachos ce-
lat. sed postea in castris nihil hostile de Turcis nunciaretur, Proceres Alexandrum adierunt, & rogarunt, ut apertè Senatui indicaret, quo ducere legiones decrevisset? Alexander causatus non rectè à se id postulari, quod ipse sine culpa præstare non posset, monuit, ut permitterent ea fileri, quorum notitia plus nocumenti afferret, neq̃ obnunciarent expeditioni pro Republica susceptæ. *Quo responso Proceres Lithvania irritati à Rege secesserunt. vid. Kojalov. p. 2. lib. 6. p. 271.*

SIGISMUNDI I.

Postquam ex Lithvania anno 1545. Senatores alijq̃ ad Sigismundum I. venissent, atq̃ de filij eiusdem Sigismundi Augusti actionibus, laboribus & iudicijs referrent, ac prudentiam illius
Vult filium moderatè laudari.

vigilantiâq; ad cœlos usq; extollerent, dixit: Sinatis etiam ad vituperandum aliquid reliquum, charissimi Domini. Gornicius de rebus gestis Pol. p. 13.

Congre-
ditur
cum
Impera-
tore Ma-
ximilia-
no.
Circa congressum Maximiliani Imperatoris cum Sigismundo I. Poloniae & Vladislao Hungariae Regibus, Imperator Sigismundum arctis amplexibus & multâ comitate excepit, verba illa subiungens; Hæc est dies, quam fecit Dominus, exultemus, & letemur in ea! Adhæc Sigismundus latino eloquio respondit, Serenissime Cæsar utinam hic conventus noster sit felix & faustus nobis, subditis nostris, & toti Reipublicæ Christianæ! Vapovius in Fragn. p. 160.

In vir-
tute Ma-
ximilia-
ni confi-
dit.
Cum postea isti Reges pro maiori commoditate Viennam invitarentur, & magnates Vngari rem suspectam haberent, ne Regibus insidiæ struerentur, atq; sic consultaretur inter ipsos & Polonos, quid potissimum sequerentur? Sigismundus Rex sententiam rogatus, nunquam se in fide & virtute Maximiliani Cæsaris hæsitasse

di-

dixit, se regno suo egressum, ut tanti Principis conspectu & colloquio frueretur, iturum se, quo ille juberet, intrepidè ducturum se Vladislaum fratrem & ejus liberos, reducturumq; incolumes, in id vadem se pro fide Cæsaris ponere, se nihil ulterius moraturum, qui velint, se sequerentur. Ea vox ad Cæsarem perlata, optimi Regis commendatâ fide, & constantiâ daturum se operam dixit, ne Polonorum Regem initæ amicitiae & congressus sui unquam pæniteret. Postero igitur die Rex Sigismundus & Vladislaus ducente Cæsare iverunt Viennam, unde post quatuordecim circiter dies inter mutua propensissimæ voluntatis testimonia, atq; etiam lachrymas discessere. Dictus Vapovius in fragment rer. gestar. Pol.

Rex ille Sigismundus I. apud subditos tantum securitatis habuit, ut dictitaret, in finu se cuiusq; illorum posse confider

Confidentia
erga sub-
ditos.

fo-

somnum capere. Koialou. in *Hist. Lithv. part. 2. lib. 7. p. 408.*

Eundem ultimâ senectâ dicere solitum referunt, nihil se in vitâ magis optâsse, quàm ut hunc diem videret, cum consentientes Christiani Principes Turcas bello aggredierentur, tum profectò se omnibus hominibus testatum fuisse facturum, voluntatené, an necessitate Turcarum amicitiam coluisset; huic voto illam ab amantissimo suorum Rege subjectam fuisse vocem: florentissimum quidem se, atq; multis auctum rebus, sed immanibus Turcarum opibus obnoxium expositumq; Regnum filio traditurum. *Anton. Mar. Gratianus à Burgo S. Sepulchri Episcop. Amerin. de vitâ Commendonis Cardinalis.*

Moriturus admonuit graviter circumstantes, qualiter se gerere deberent in gubern-

bernanda Republica, sed Sigismundum Augustum potissimum allocutus est: Tibi quidem, mi fili, deinceps mater, & sorores, & maximè Respublica curæ esse debebunt. In te spes omnes omnium sitæ sunt, quas frustrari te æquum non est. Nonnihil quidem nobis debet Polonia; sed nos illi multò plus, quippe quæ nos, Majoresq; nostros, posthabitis quibusdam illustrioribus, & elegantioribus, & fortasse etiam potentioribus, sibi Reges assumpsit, & summâ fide, studio, obsequioq; coluit. Te autem, quemadmodum ipse nôsti, adhuc puerulum regio diademate insignivit. Ad ejus igitur salutem, & dignitatem, vicissim te, voluntatem tuam, studia, & conatus omnes adjungere imprimis æquum est. Id verò ita demum rectè facies, si omnibus te æquabilem,

Filium
ad bonū
regimen
hortatur.

familiarem verò non nisi gravissimis, & sapientissimis quibusq; præbueris; si nullius jus, & innocentiam, neq; gratiā, neq; odio cujusquam opprimi fines. *Sarnicius in Annal. Pol. lib. 7. p. 391. 392.*

SIGISMUNDI AVGVSTI.

H*ic post mortem patris, matrimonium cum Barbara dissimulare desijt, & post-hac Senatum in Curiam vocavit, aliquot Proceribus secreti conscijs mandat, ut Barbaram è paternis ædibus quàm magnificentissimè in Regiam deducant, Senatus-Consultum tam diu trahit, donec significaretur, jam eam non procul à palatij limine abesse: tum primùm ad Senatum conversus, quod hæten⁹, inquit, justis magnisq; de causis silentio pressi, hodie vobis aperio. Barbara Radziwilia uxor mea est,*

Matrimonium cū Barbara dissimulatū aperit.

Præ

præsentibus ejus cognatis, ritu Christiano mihi in matrimonium tradita. Quicquid tandem vestro animo conceptum habeatis, omnes vestros conatus irritos fore, nè dubitaveritis. Non enim ignoratis nullam in terris auctoritatem esse, quæ matrimonium inter Christianos legitimè initum, ac convictu firmatum possit rescindere. *His dictis obviam Barbaræ ad atrium progressus, in penetralia regio apparatu instructa uti conjugem deduxit. Kojalov. in Hist. Lithv. parte 2. lib. 7. p. 409.*

Cum Ordines regni in Comitjjs Petricoviensibus per Directorem suum Petrum Boratynium rogarent, ut cum Barbara uxore divortium iniret; Non sibi vitam chariorem esse, quàm Rempublicam respondit, sed cum vobis Respublica fide inquit, meâ stet salva, quonam modo

*Retinē-
dæ uxoris firmū
declarat
propositum.*

I 2

ea

ea fides firma nobis erit, si uxori iussu vestro fidem fregero? Non est, quòd me vobis fidelem speretis fore Regem, si vir uxori fuero infidelis. Quare ut fidem iurejurando firmatam à me vobis præstari vultis, ita non debetis velle, ut ejus fidei Sacramentum, quod uxori, DEO teste, dixi, vi, fraudeve violem, præsertim cum à Domino IESV palam dicatur, ac ita scriptum legatur: tum aperto recitavit illud ex libro; quid prodest homini, si totum mundum lucretur, animæ autem suæ detrimentum faciat? quapropter cum legitimum mihi sit cum uxore connubium, vitam prius, quam uxorem deferam. Si quid autem in eo peccavi, quòd sine consilio vestro uxorem hanc duxi, id sanè fide in me vestrâ corrigi, ac ne fiat imposterum, potest-

terit provideri. Nunc verò id agamus, cujus causâ huc convenimus, has autem de matrimonio disputationes missas faciamus, nam ego res omnes uxori posthabui, quam retinebo, quoad non solum hæc vestis, quâ amictus sum, sed etiam ipsa superfuerit vita. *Orichovius in Annal. Pol. p. 21. & 22. Vicit tandem Rex adversantium animos, ut non tantum illam uxorem, appellarent Patronam Poloniae, sed & Regni Diadema illi imponerent.*

Postquam sub Sigismundo Augusto in- De Republica Babinensis si percontatur.
valuerat Respublica Babinensis dicta, & mentio coram illo injecta erat aliquot Procerum, qui insigniti erant honoribus, interrogavit, an etiam Regem in ea Republica haberent? Cui respondit ipse Capitaneus Babinensis Psomka, absit à nobis cogitatio ipsa, ut te vivente, Serenissime Rex,

Et superstite, de alio Rege eligendo cogitemus, aliumue creemus, tu Et hic, Et apud nos Rex esto. Risit placide humanissimus & benignissimus Rex, nec ullum signum indignationis dedit, imò verbis, quæ addidit, risum omnium auxit. Sarnicius in *Annal. Pol. lib. 2. p. 397.*

Sororem
in gratiam
recipit,
eius testamen-
tū tradit.

Dum præfatus Rex anno 1572. æger *Varsaviâ Knisinum proficisci vellet, edidit mentis pacificæ erga sororem suam Principem Annam (quam per tempus satis longum in conspectum non admiserat,) exemplum.* Postquam enim Karvicius Castrorum Metator Regem allocutus esset, Itane Serenissime Rex discedis, non dicendo vale sorori? Ah præ dolore desinet vivere. Permittat Majestas vestra, ut accedat, nam lachrymabunda hoc expetit. Rex paululum subticendo dixit, Iubeatis, ut veniat. Comparruit igitur, & flendo Regem deprecata

ta

ta est, qui eidem testamentum suum paucis cum verbis tradidit. Gornicius de rebus gestis Pol. p. 189.

Cum memorato Regi medici suaderent, ut, licet nunquam signa mortis viderent, cum DEO reconciliationem iniret, quoniam ^{Ad mortē intr-} am sæpè evenisset, ut post confessionem, & sacræ Cænæ usum ægrotis valetudo redierit, Rex respondit: Debuissetis sanè dudum hoc mihi dicere, nec me lactare solamine minus necessario. Faciam hoc crastina die, sint omnia, quæ requiruntur parata. Dictus Gornicius p. 191.

HENRICI VALESII.

Cum Parisijs coram electo Rege Henrico de pace dissidentium in religione fieret mentio, atq; Rex inter Ioannem Zborovium unum ex Legatis ejusdem Religionis,

atq;

Pro se-
curitate
dissiden-
tium in
religio-
ne.

atq; inter Monluccium, (qui legatum in Polonia egerat,) acerbius colloquium notaret, ac de illo sciscitaretur, tunc Zborowski præoccupans responsum Monlucij, dixit: Rex Serenissime, nisi oratores tui hanc conditionem dissidentium de religione nomine tuo acceptâssent, nobis contradicentibus Rex eligi non potuisses, imò ni jam approbaveris, Rex Poloniæ non eris. Princeps Henricus, qui sciebat, se liberum populum sub imperium acceptare, dictum eâ modestiâ tulit, ut placuisse videretur, addito ad prudentiam responso, Oratorum potius in eo causam, quicquid mutuo consensu apportaretur, non improbatum se, inirent potius consilium, postero die concordēs accederent. Tandem condescendere oratores vid. Fredro in Henr. Valesio p. 95.

Dum

Dum Oratores Poloni conditionem de importando in Poloniam proventu è patri-
monio Henrici eo sensu interpretabantur, <sup>De im-
portado
in Polo-
niâ pro-
ventu.</sup> quatenus illa pecunia in ærario Reipublicæ sub cura Thesaurarij poneretur, recusavit Henricus, sufficere, inquiens, si sequeretur vim & sensum conditionis, suaq; in Poloniam importaret sub sua libera potestate & dispendio habiturus. Cui dicto acquieuerunt. Fredro in Henr. Vales. p. 95

Postquam sinistra in vulgo Gallico emanaverat fama de conditionibus electi Regis, Oratores consulendo dignitati populi Poloni, dolentibus animis ad Regem accesserunt, coram quo Conarscius Episcopus Posnaniensis prolixo usus est sermone, qui non ingratus Henrico fuit respondendo, Quandoquidem DEO visum esset, & populo Polono Electori se Polonorum

K

Re.

Polonos
benè de
se juber
sperare.

Regem fieri, curaturum pro virili, ne
sux electionis Polonos pœniteret, nec
darent aures linguæ loquacis populi
vana sæpius loquenti, scire se, quorum
Rex fieret, scire item, quare in tam
diffitas Polonorum terras audita mor-
te Sigismundi Augusti Legatos suos
fratrisq; Regis Gallorum ad Regnum
petendum misisset. *Fredro in Henr.*
p. 101.

*Cùm Legati prædicti mentionem intrude-
rent, Annæ Principis, pium & prudentem
Principem annuentes, nec minùs & Reipu-
blicæ, quàm Henrici commodo futurum, si
sociam sceptri acciperet. Ad ea Henricus,
Bona sibi polliceri (respondit) de eo
Polonorum affectu & piâ ac tutrici
curâ, quam erga prolem suorum Re-
gum studiosius portarent, nec despe-
rare item, si bona fata aliquos sibi suc-
ces-*

cessores darent, pari Reipublicæ curâ
ijs provisum iri. Quantum verò ad
negotium matrimonij, se non posse
subita de eo dare responsa, sed re-
ferre ad Ordines Regni seu Comitiam
Coronationis, reliqua verò quæ por-
rigerentur per legatos, approbare se,
& confirmare velle, æquè cum Caro-
lo Rege Galliæ, (nam legati eam con-
ditionem petebant) in pactum cum
Galliæ Regno certi fœderis. *Fredro
in Henr. p. 101*

*Post ingressum Cracoviam, Rex Henri-
cus altero die Senatum & Ordines convo-
cavit, & gratias coram habuit, quòd
sibi tam potens Regnum volentes of-
ferrent, invigilaturum se per Numi-
nis opem, ne sua regimina reprobari
possent, scire se optimorum Regum
præcepto, quos regendos susciperet,*

K 2

nec

Quoad
matri-
monium
refert se
ad Co-
mitia
Regni.

Bonum
regimen
pollice-
tur.

nec ignorare, quis ipse fieri deberet, modò tam promptos & faciles in parendo habere posset, quàm in confereundo sibi Sceptro reperit; certissimum autem argumentum esse boni regiminis, velle Regem rectè imperare, & velle subditos pròptè parere. Quantum verò ad libertates, seu formandas seu conservandas attineret, non tantum scripta charta aut privilegio, sed sanguine & vità obsignare se velle. *Fredro in Henr. p. 107.*

Fertur Rex Henricus audiens Senatus sententias, cui deferendus esset ViceCancellariatus, insigne ejus sigillum versando subsiliente manu, repente acclamasse, Monsieur Wolski, illudq; huic à longè per confertam aulicorum turbam ægrè perumpenti tradidisse, præter opinionem omnium. *Piascius in Chronico p. 6.*

Wolscio
Vicecā-
cellaria-
tum de-
fert.

Per-

Pertæsus aliquando laboris judicialis dixit; Per meam fidem Poloni isti faciunt, ut agam Iudicem legisperitum, in brevi volent, ut agam etiam causidicum. *Id. in Chron. p. 50.*

Iudicio-
rū per-
tæsus.

Cum ipsi mater citato nuntio significasset, Carolum IX. Regem Galliae concessisset, se fatis, communicavit ille consilium cum tribus Gallorum fidissimis, quid facto opus esset, diligentius inquisivit. Ocyus inquit me esse in Gallia res, uti scitis, requirit, ut verò subito hinc abeam, obstant leges, quæ vetant Regem fines egredi, præterquam à consensu Ordinū, neq; esse potestatis Senatorū à latere, facultatem discessus mihi dandi, antequam dicantur Comitia, non verò levem meis negotijs moram portendi. Non aliud restat, quàm ut clā, vobis comitibus iter aggrediar, nec

De abitu
in Galli-
am deli-
berat.

K₃

cre

credo Ordines improbaturos consili-
um, ad quos negotij grauitas perue-
nerit, imò iuvabit meum discessum
paucis innotescere, minus inde peri-
culum mihi, incognito per externa
transeunti. Te verò Dansen oro, cu-
jus virtutem notam habeo, seu scripto,
seu oretenus referas Ordinibus causas
mei discessus. Iuvat utiq; hanc Rem-
publicam cum Regem habere, qui
Gallis simul & Polonis præsit. *Sed
convocatis deinde aliquot Senatoribus &
perterritus Comitialis decreti morâ, ocyus
itineri se accinxit. Vid. Fred. in Hen-
rico p. 116. & seqq.*

*Ioannes Tenczynski, Archicamerarius
Regni, & alij Regem affecuti in finibus Sile-
siæ, provoluti ad pedes Regios petière, qua-
tenus ab eo itinere supersederet. Ad quæ
Henricus;* Non dubitare vos velim de

meâ

mea in Rempublicam cura, multa Pa-
triæ vestræ, & vobis debeo, qui me
spontè tanti populi Regem creastis;
credere vos velim, quoad mihi vita &
sanguis superest, non ero immemor
vestræ humanitatis. Cæterum ut ego
ab hoc itinere supersedeam, nec ego
facere, neq; vos suadere jure potestis.
Si apud vos mansero, Regnum Galliæ,
hæreditas mea aliorum paratur mani-
bus; discessero, brevi rediturus? nec
ideò me Regem amisistis; imò mul-
tum valebit ad Majestatem Reipubli-
cæ vestræ, tum ad potentiam, si obten-
to meo Regno patrio & opibus, inte-
gros Regni Poloniæ proventus ejus
necessitatibus dicavero. Si verò dubi-
tatis de meo reditu, nec posse, aitis,
Rempublicam pro ejus statu & ordi-
ne, absente Rege administrari, Gallia
uti

Excusat
se, quòd
ab itine-
re in
Galliam
superse-
dere nō
possit,
reditum
tamen
in Polo-
niā pro-
mittit.

uti hæreditas per administratos regi poterit, ad vos, quos adamavi, revertar; interim dum nunc paululum absum, per prudentissimum Senatum pro auctoritate mea facile consulatur Reipublicæ. Et hæc vobis responsa do; si ultra mecum loqui placet, ascendite quæso currum, nam levia momenta temporis causæ obstant. *Petiêre, suaserê, verùm dum vident frustra verba dari, Regiam dextram valedicturi ad osculum accesserunt. Ad ea Henricus ipse collachrymans.* En vobis, *inquit*, manum extendens, pignus mei erga Patriam vestram animi! posthæc detracto annulo porrexit Tenczynio subnectens; Tene signum & testimonium fidei Regiæ, quia me brevi visuri estis, eas verò litteras, quas Cracoviæ in cubiculo reperietis, quæso curate reddi unicuiq; qui-

Annulū
porrigit.

quibus scriptas intelligetis; reliquam mentem, fidelis meus Dansen vobis aperiet, cui fidem, quæso, date. *Dictus Fredro p. 119. & 120.*

STEPHANI BATOREI

IN Comitibus Thorunensibus Anno 1576.

circâ disceptationem libertatum in hæc Pro auctoritate suâ zelat. *verba erupit; Non in caula, sed in aula, & liber homo natus & educatus sum, neq; antequam in has terras veni, mihi victus & amictus defuit, libertatem itaq; meam amabo & conservabo. Deo volente per vos in Regem vestrum sum electus, vobis postulanti-
bus & instantibus huc veni, per vos capiti meo corona est imposita. Sum igitur Rex vester, non fictus, neq; pictus, volo regnare, & imperare; neq; feram, ut mei, meorumq;*

L

Can-

Confiliariorum fitis pædagogi, sed potius ita custodiatis libertates vestras, ne in abusum vertantur.

Licet Stanislaus Pękosławski vir militari fortitudine conspicuus, Regi Stephano non leviter invisus fuerit, quod nuntij officio fungens ex Palatinatu Sandomiriensi in Comitibus Regni, Regis rationibus pertinacius obsistere soleret, ipsemet tamen Rex ut naturâ erga viros fortiores fuit propensior; non roganti, & ne quidem simile quid unquam speranti, Præfecturam Sandomiriensem ex melioribus regis præfecturis potissimam detulit, illo usus dicto: Malè quidem Pękoslavius agit nuntium, sed militem optimè. Piasecius in Chron. p. 61.

Donati-
vū Tar-
taris ne-
gat.

Cum Tartari donativa quasi consuetæ peterent, Rex ille se tributarium tali beneficiæ nunquam fore respondit, & vacuos dimisit. Id. p. 62.

Quo-

Quoniam linguæ polonicæ non erat gnarus, latinâ, cuius valdè studiosus & prorsus Terentianus fuit, utebatur & ad eandem excolendam Nobiles Iuniores sæpius adhortatus est, dicendo; Disce latinè, & ego ex te aliquando faciam Mości Pánie.

Ad lin-
gva La-
tinâ hor-
tatur
Nobiles.

Postquam mortuo Francisco Krasienio Episcopo Cracoviensi, Karnkovius Episcopus Vladislaviensis, illum Episcopatum iuvandæ Ecclesiæ, atq; Academiæ restaurandæ causâ desideraret, atq; hoc studium suum per Sulkovium Regi aperuerat, Rex se eum Archiepiscopum esse malle, respondit, tum Ecclesiæ & Reipublicæ, tum suæ dignitatis causâ, æquum enim esse, ut qui Regi coronam imposuisset Episcopus, demum Archiepiscopus esset, & sua dignitate Regiam etiam stabilem efficeret. Quare post fata Vchanij renunciatus Archiepiscopus, & onus Reipublicæ,

Karnko-
kovio
ipse Ar-
chiepi-
scopatus
facit.

L2

*cæ, quod hætenus pro ArchiEpiscopo susti-
nuerat, pro se ipso gerere cæpit. Sulikou.
in Comment. rerum Polon. p. 91. & 134.*

Privile-
giorum
Acade-
miæ Vil-
nensis
obsigna-
tionem
urget.

*Cùm Eustachius Voloſvicius Castellanus
Trocensis ViceCancellarius Lithuanicæ diffi-
cilem se in sigillandis Academicæ Vilnensis
Privilegijs præberet, Rex Stephanus eum
allocutus est; Aut obsignet si vult, aut
si non vult, det sigillum, se ipsum ob-
signaturum esse, sed sigillum jam eum
amplius non recepturum esse: his au-
ditis, fecit ViceCancellarius, quod Rex
voluit, privilegiumq; obsignavit. Id.
p. 123-*

De mo-
do elige-
di Re-
gis, & de
cōpoliti-
one in-
ter sta-
tus dif-
ferit.

*Circa conclusionem comitiorum Varſa-
viæ 1581. Nuncij Terrestres duo roga-
bant à Rege, rationem in posterum eligendi
Regis, & compositionem inter status. Rex
testatus est, se cohorrescere, quoties ei
in mentem veniret, tumultum electi-
onum*

*onum præteritarum, & expavescere ad
ea, quæ dissidia inter statum Ecclesia-
sticum & politicum trahere secum
possent. Sed in utraq; re magnas se
difficultates perspicere, curaturum ta-
men, quantum in se esset, ut in his
Reipublicæ subveniatur ac prospicia-
tur, hortaturus, quemadmodum & an-
tea facere solebat, ut ipso absente,
paci & tranquillitati publicæ pro se
quisq; studeat. Fausta tandem quæq;
ac felicia precatur tam ijs, qui domi
mansuri essent, quàm qui in bellum
ituri, ut mox lætabundi utriq; in mu-
tuos complexus ruant. Sarnic. in An-
nal. Pol. lib. 8. p. 406. 407.*

*Refert Varſevicius, quòd Rex Step-
hanus in castris ad Pleſcoviam ipsi dixerit,
decrevisse se potius extrema pati,
quàm ut in fraudem Reipublicæ vel*

tantillum in Livonia terræ, in qua Moschus vestigium faceret, ei relinquere. *In orat. Funeb. dicti Regis.*

Religionem vi promovere noluit, dicti-
Tria Dei
reserva-
ta. *tans; Tria sibi DEVS reservavit,*
 creare aliquid ex nihilo, futura præ-
 scire, dominari conscientijs.

Effatum ejusdem coram tota Republica;
Pro ve-
ritate &
justitia
zelat. *Pro veritate & justitia, etiamsi me mo-
 ri oporteat, mortem nusquam formi-
 dabo, felix mors est, cui veritas parat
 viam, justitia necit coronam.*

Solebat crebris usurpare id sermonibus:
De mor-
te. *Qualis quisq; Princeps in vita fuisset,
 supremam ejus diem non obscure de-
 monstrare.*

*Multos sibi sepulchra condere, &
 centum millibus passuum ab eis mori,
 atq; tumulari.*

Homines si vel indies ab alijs frau-
De ho-
minū so-
cietate. *da-*

darentur, cum hominibus, & non cū
 brutis animantibus vivere oportere.

Pugnæ locum in campo aliter elegi,
De pu-
gnæ lo-
co. *aliter in ædium penetralibus cogitati-
 one designari.*

Multos de Principum consilijs judi-
De Prin-
cipum
consilijs. *cium ferre, sed non peræquè esse con-
 scios caufarum. Varsevic. in orat. Fu-
 nebr. Regis Stephani.*

*De hujus Regis morte hoc singulare me-
 moriæ prodit Sarnicius; cum magis ac ma-
 gis in horas invalesceret morbus, & permo-
 dica spes de ejus vita sese ostenderet, inter-
 rogatus à circumstantibus, quo pacto se habe-
 ret? respondisse fertur. Licere sibi nunc*
De vita
suâ judi-
cat. *uti verbis illis Divi Tertulliani; quin-
 quaginta quatuor annos peregi, scio
 quales dies fuerint, quales verò futuri
 sint in posterum, ignoro. In Annal.
 Polon. lib. 2. p. 409.*

Ob morbi vim prostratis jam viribus, & hora mortis instante, verbis illis ex Dominico in cruce Eptalogio ipsum Dominum imitatus, animam suam D E O reddidit; In manus tuas Domine commendo spiritum meum.. Id. ibid.

In Do-
mino cū
Domini
verbis
moritur.

SIGISMVNDI. TERTII.

*C*um de profectione ejusdem in Sueciam disceptaretur, & nonnulli svaderent, ut omnia prius, quæ ad constituendas res illius Regni pertinerent, per Legatos expetiretur, quàm ipse præsens magno utriusq; Regni periculo tantum discrimen subiret. E contra Rex ostendebat, nunc quidem isthic pacatas res esse, cæterum si ipse eò ire moraretur, omnia partim adventus sui desperatione, partim ambitione quorundam perturbatum iri; gratum sibi esse, quòd ordines Regni

Necessi-
tatē pro-
fectionis
in Sve-
ciā ex-
ponit.

Polo-

Poloniæ & dignitatis, & securitatis suæ rationem habeant, cæterum sibi satis perspectum esse præsentem Sueciæ statum, nec quidquam isthic subesse periculi, subditos omnes secundum Patris sui mortem in officio esse, & fore, si vicissim ipse maturo ad paternum, hæreditariumq; regnum adventu, sibi salutem eorū, curæ esse ostenderit; se non eo animo proficisci velle, ut interim rem Polonam negligeret, sed ut rationibus utriusq; regni confuleret, per legatos jusjurandum nec dari, nec ritè peti, nec Regni hæreditarij possessionem adiri posse, in qua apprehendenda, multa haud dubiò intervenirent, quæ præsentiam Regis poscerent. Deniq; imposterum quoq; prospiciendum, resq; illius regni, & ejus absente Rege ad-

M

mi-

ministrandi, gubernandiq; modus præscribendus: in eum eventum pactis electionis Varfaviensis cautum fuisse, ut consultis regni Senatoribus, dum id res Sveciæ poscerent, nemo ejusmodi profectioni intercederet, aut eam moraretur. *In eam itaq; sententiam decretum comitiale factum, & permissa est Regi in Sveciam profectio. vid. Lubienſciū pag. 5.*

Dum nonnulli Sigismundo III. in motu civili ſuadebant, cedendum eſſe, Prussi-
amq; ſibi fidam & multis oppidis tutam
petendum, donec interim majora ſubſidia
pararentur; Rex in eo ſtatu nutantibus
plerisq; ac metu perterritis, ab animi ma-
gnitudine conſilium mutuatus; nequa-
quam dignitati ſuæ convenire, hosti-
um minis tantoperè permoveri, vel
ſigna timoris præſeferre reſpondit, pro-

Cracovi-
am ſe i-
turū de-
clarat,
ne hoſti-
um mi-
nis per-
territus
videatur

in-

inde iturum Cracoviam ſolito comi-
tatu, non exiſtimare hoſtes eò auda-
ciæ progreſſuros, ut iter ſuum impe-
diant; quòd ſi id facere conati fuerint,
non deſore ſibi rationes, quibus ſecu-
ritati ſuæ proſpiciat, confidere ſe vir-
tuti & fidei Polonæ: deniq; omnia
potius perpeſſurum, quàm ut aliquid
ſe & nomine ſuo indignum commit-
tat. *Lubienſcius p. 67.*

Postquam ille Rex prope Viſtulã ad Ia-
novecium, in quo conſtiterant Rokoffiani ac-
ceſſiſſet, accito Ianuſſio Zbaraſcio Palatino
Braclavienſi, viro belli artibus domi, forisq; ^{Iuſtitia}
claro, ac ſpectatæ in ſe fidei, curam ſalutis ^{cauſæ}
ſuæ, & totius exercitus ad eum deſert, ea ^{ſuæ con-}
uſus oratione; nunquam cogitavera-
mus accidere poſſe, ut cum ijs, qui
pro nobis arma, nos verò eos tueri te-
neremur, bellum gereremus; ſed

M 2

quo-

quoniam audax temeritas in præcep-
 ivit, & justitiæ nostræ, quâ nos in
 conspectu DEI potiores esse confi-
 dimus, periculum facere vult, ejus de-
 creto, qui & cor nostrum intuetur, &
 illorum conatus perspectos habet, nos
 permittimus. Cæterum si quid san-
 guinis Poloni in regni visceribus fu-
 sum fuerit, id non nostrâ, sed eorum
 culpâ eventurum; & Senatum, & mi-
 litarem ordinem, qui nobiscum est,
 testamur. *Lubienscius lib. 2. p. 88.*

*Cum his dictis, signum belli proposuisset,
 & in eo ardore Senatores, qui tunc ade-
 rant, prius clementiâ, quàm armis rebelles
 aggrediendos esse, consulerent; ille nun-
 quam faciliior, quàm cum sanguini par-
 cendum foret, hoc tantum præfatus: se
 quidem tot affectum esse injuriis, ut
 innatam naturæ suæ patientiam jam*
 fe-

A cle-
 mentia
 erga Ro-
 kossianos
 non ali-
 enum se
 profite-
 tur.

ferè vincant, libenter tamen assenti-
 ri, ut Senatus ea, quæ expedire paci,
 & publicæ tranquillitati censuerit, su-
 scipiat, & sedulo amore Patriæ curet.
 Notam esse omnibus suam innocen-
 tiam, notum animum pacis, & con-
 cordiæ cupidū, totum se eorū arbitrio
 permittere. *Id. ibid. p. 89.*

*Cum tempus Senatûs consulto præfixum
 præterisset, ac nemo, qui vel in Regem,
 vel in quenquam ex Senatu aliquid pro-
 ferret, compareret; Rex in maxima Sena-
 torij, equestrisq; ordinis frequentia, multis
 etiam Rokossianorum, qui frequentes sub
 specie legationis Varsaviam venerant, præ-
 sentibus, quàm indignè ab adversarijs in-
 signem patiatur calumniam, ostensurus, o-
 mnium in se animos, oculosq; convertit:
 paucis igitur verbis præfatus. Sibi ab eo
 tempore, quo Divina voluntate, &*

Innocē-
 tiam suā
 cōtra ad-
 versanti-
 um calu-
 mñas
 profite-
 tur.

consentientibus ordinum studijs sce-
ptra huius regni ad se delata sunt,
nihil unquam potius fuisse, quàm ut
jura, libertatesq; Majorum suorum, be-
nignitate concessas conservaret; &
quamvis, ut in ea omnium expectationi
amplissimi Senatus (cujus munus est
providere, ne quid secus fiat) testi-
monio responderet, adniteretur, non
potuisse tamen, DEO ita permitten-
te, effugere improborum hominum
maledicas, & sua Majestate indignas
voces, quibus falsò insimularetur, ea-
rum rerum, quas nunquam in animo
habuerit; publico edicto, ex Senatûs,
& omnium ordinum sententia datam
esse potestatem, cunctis in hoc am-
plissimo Regni confessu vel se, vel Se-
natum palam, & liberè arguendi; id
ut fieret, libenter se, quò magis sua
li-

licentia eluceret, assensisse; si quid
præterea Ordines postularent, se eo-
rum arbitrio stare velle, omnium in-
teresse, vanas istas suspiciones ex ani-
mis hominum evelli, & motus Reipu-
blicæ componi. Confidere se, DE-
VM suæ innocentiae testem, brevi uni-
verso orbi palam facturum, falsas esse
adversariorum suorum calumnias, se
sibi optimè conscium esse, nihil à se
factum, quod juramento suo adversa-
retur, ejus rei Senatum, & ordines
esse, & apud posteritatem fore testes;
non dubitare, daturus operam ordines,
ut ejus, tum insignis læsæ Majestatis
injuria aboleatur, & maledicæ calu-
mniatorum linguæ, quo imposterum
innocentia inter improbos tuta sit,
coerceantur. *Secundum eam Regis ora-
tionem, universus Senatus assurrexit lau-
da-*

*davitq; Regis animi moderationem. Nun-
tij quoq; terrarum, Regis, Senatûsq; innocen-
tiam comprobavêre. Præclara fuit illius
diei rerum facies, cùm vel omnium hosti-
um confessione iniqui inanibus promissis
credulum populum ad seditionem concitâ-
rant, vanitatis convicti viderentur. vid.
plur. Lubienscius lib. 3. de motu Civili
in Polon. p. 119.*

*Cùm Cardinalis Macieiovius Archiepi-
scopus Gneznensis Regi Sigismundo III.
in castris Varsaviensibus contra Rokossia-
nos signa disponenti occurreret, atq; ora-
ret, ut futura victoriâ clementer uti vellet,
Rex laudata Cardinalis pietate, fau-
stæq; comprecationis studio benignè
excepto; ita se hoc bellum gesturum,
respondit, ut non quid hostes sui com-
meruerint, sed quid se dignum sit, ac
pacatæ Reipublicæ rationes exposcant,
fa-*

*Clemen-
ter se a-
cturum
declarat.*

*facturum polliceretur, utriq; dicenti o-
bortæ lachrymæ, cunctos, qui viderant, eo-
dem affectu commoverunt. Lubienscius
l. 3. p. 125.*

Dum post victoriam contra Rokossianos Moderatio erga victos.
*obtentam percunctarentur Duces, an insta-
re victis, fugientesq; longius Rex sequi ju-
bet; Ne inquit, dum noxios seditio-
nis autores persequimur, multi eo-
rum fraude in errorem inducti, simul
pereant, sinamus interim omnes salu-
ti suæ consulere. Id. ibid. p. 180.*

VLADISLAI IV.

Postquam Anno millesimo sexcentesimo
decimo septimo Vladislaum Principem
itineri in Moschoviam accinctum Lauren-
tius Gembicius Archiepiscopus Gneznensis
eleganti sermone compellâisset, qui Re-
gi Sigismundo III. & Principi Vladislao
N eli-

^{Erga}
^{Rempu-}
^{blicā de-}
^{clarat}
^{propen-}
^{sionē, &}
^{erga Pa-}
^{trem ob-}
^{servanti-}
^{am.} elicuit lachrymas, tum hic rupto, quo omnes defixi steterant silentio, succinctè facundèq; respondit; Virtutes, quas tanto perè cum fausta itineris apprecatione Archiepiscopus commendaret, ut natalibus suis dignos amplecti se velle, in quibus præcipuum Regnorum columnen, basimq; esse sciret, Reipublicæ Polonæ ita se memorem victurum, ut à sua prompta, propensaq; voluntate, optima sibi quæq; polliceri, expectareq; possit. Serenissimo verò Patri, quid obsequens deberet filius, perbellè se nôsse, duraturam, ubicunq; esset terrarum, suam erga optimum Parentem, quoad viveret, observantiam, nec dissolvendum unquam, nisi ab extrema leti hora dulcissimi affectus vinculum. *Kobierzycius in Principe Vladisl. p. 486. 487.*

Cum

Cum in expeditione contra Moschos nonnullæ à Lithvanicis legionibus equitum centuriæ, ob non persoluta stipendia obsequium denegarent, Vladislaus arcessitos ad se, tali compellavit sermone; Egregiam verò laudem refertis à contumacia vestra ^{Contu-}
^{maces}
^{milites}
^{gravi}
^{sermone}
^{alloqui-}
^{tur.} milites, si eo adhuc nomine compellandi estis. Hæcne ego speraverim à Nobilibus Polonis, quorum spectata, indubitataq; erga Reges, ac Principes fides, vestrà polluitur insolentiâ, cum Regis vestri filium, commilitonem vestrum, laborum, æumnarumq; socium, procul à Patria, in hostium terris agentem, inter mille discrimina positum deferitis, proditisq;? Ergone plus meruere infames illi Demetrii, vana, personataq; Principum nomina, quibus, & æris inanes, & militiæ laboribus fessi, attenuatiq;, pertinaciter adhæ-

N 2

si-

fistis, devotis pro illorum salute, incrementoq; corporibus, mihi verò Regū vestrorum sanguini in Polono nato educatoq; solo, legitimè electo, Magno Duci Moschoviæ tam felicem esse non licebit? Quæ ista intemperies, dum à quæstoribus M. D. L. pecunia ordinatur, brevi transmittenda, mandatumq; operimur Regium, nullo consilio præcipites ruere, atq; tanto deserti vestri Principis se contaminare scelere? scripsissem utinam lætiora, magisq; honorifica Regi Parenti meo de vobis, & qui calamum promptum, expeditumq;, ad commendanda munificentia Regiæ spectata militum facinora habueram, jam cogor invitatus aliò detorquere, & pro præmijs, pœnas contumaciæ debitas exposcere. Interim aderit mihi, insolentia vestrae
ul-

uitor DEVS; aderit propitia fortuna Regis, aderunt cæteræ fidæ legiones, gratiam, munificentiamq; Regiam constantiâ suâ emerituræ, quibus meam incolumitatem, dignitatemq; tanto tutius credo, quantò non bellicis tantum operibus, sed fide, amore erga Regem, ejusq; filium præstant. Agite itaq;, aut seriò resipiscite obsequio reddito, aut si ita destinatum est, per hujusmodi turbamenta, belli cursum non retardetis. *Id. lib. 7. p. 531. 532.* Quâ facta admonitione, brevi miles ad obsequium redijt, promissorum stipendiorum, verbo Principis quod dedisset, certus.

Cum post gloriosam in castris mortem Chodkiewiczj, Lithvanæ legiones Stanislao Lubomirscio Pincernæ Regni, quiungebatur munere Ducis Campestris, obsequium denegarent, unius Vladislai Principis re-

Lithva-
nos ad
obsequi-
um Lu-
bomir-
scio præ-
standum
horta-
tur.

gimini sese subjicientes, tum Vladislavus accitis primoribus; scire se, inquit, in hac Lithvanorum ad Polonos accessione, conjunctioneq; in unum nomen, imperiumq; unamq; gentem, solis tantummodò honoribus, officijsq; discretam, distinctamq; nunquam tamen dedecori duxisse, Polonos, in absentia suorum Imperatorum, Lithvano paruisse Duci; vixisset utinam Chodkievicius, constantem obsequij facilitatem prout expertus erat, à tam numerofo Polonorum exercitu habuisset, quam nunc paucæ, ac longè inferiores numero Lithvanæ copię Lubomirscio denegarent, quem Collegam Chodkievicij, Rex, Resq; publica unanimi comitiorum consensu dixisset: se certè Lubomirscij regimen agnoscere velle, nec infra Majestatem suam videri, si

il-

illi obtemperarit, penes quem jam armorum, belliq; summa esset. Quod modestiæ, & comitatis exemplum, Lithvanos Ductores, militesq; mox in Lubomirscij traxit obsequium. Kobierzycius in Histor. Vladisl. lib. 10. p. 818. 819.

Adamum Kazanovium, posthac Curiae Regni Mareschalcum, Vladislao, adhuc dum adolescenti, adeò percarum fuisse memorant, ut Sigismundus Pater Rex, Filio ne annulum quidem sibi à Matre datum retinenti, eum Kazanovio donaverat, prodigalitatem exprobrare necessum habuerit; eà vicissim civis in liberalem Principem animi testificatione, ut Kazanovius divendito quantum habebat patrimonio, ærarij, Principales angustias suppleret, è privato censu. Inde miratus aliquando Vladislavus ejus in se affectum, quæsierat. Itane verò Kazanovius causâ sui patrimonium deco-

Erga
Kazano-
vium 'li-
beralis
est.

xis.

xisset? Cui ille; *Sic fortunam meam tecum Princeps conjunctam velim, ut te favente, indigens esse non possim, absq; te dives fieri nolim.* Kochowski in *Annal. Pol. lib. 3. pag. 174.*

Pro Kazanovij
honore
intercedit.

Postquam Sigismundus III. Kazanovij supellectilem attineri imperasset, Vladislaus ex thermis apud Egram redux non absq; aliqua indignatione, dolorisq; sensu hoc intellexit, ac primum salutato Rege, petiit, ne eam ignominiam pateretur inferri aulico suo, suæq; infimul existimationi, præsertim cum earum donationum conscius esset, proindeq; interpretaturum quemlibet, per alienum latus tacitum sibi fieri convicium. Deinde & illam de bonis administrandis consultationem, quid aliud allaturam, nisi famæ suæ, reputationisq; aliquod detrimentum, quasi ejus prodigientia cura-

curatore egeret. Hæc apud Patrē debita cum observantia urgebat. *Kobierzyc. lib. II. p. 917.*

Rex ille circa mortem præclarum Christianæ modestiæ, & Regiæ pietatis specimen edidit, nam inter alia tempori congruentia meditamenta, ardorem animi comprimere non valens; O quam velim, inquit, nunc toti mundo esse spectaculum, in quo mortales tanquam in speculo videant, quæ in me DEVS exhibuit spectanda. Ac primò, qualis sit humanarum rerum præsentis vitæ, vanitas: deinde quanta sit super unum peccatorem misericordia DEI & benignitas! Voluitq; ista, coram omni astantium turba ejusdem verbis repeti, quod & factum, magno animorum motu. Kochowski in *Annal. Pol. in climact. primo lib. 1. p. 14. 15.*

Moribū
di effa-
tum.

IOANNIS CASIMIRI.

EX fratribus alijsq; Legatis, qui nomine Vladislai Principis in confessum Ordinum venerant, Princeps Ioannes Casimirus, modestissimè linguâ polonicâ est præfatus in hunc sensum;

Fratrem
Vladisla-
um ordi-
nib; cõ-
mendat.

Ego ac fratres mei in sinu istius Reipublicæ communis vobiscum Parentis nati, enutriti, eidem almæ nostræ Matri nonnisi felicissima quæq; precamur, & pro salute ipsius vitam nostram devovemus: fratrem quoq; nostrum Serenissimum Principem Vladislaum eodem animo in hanc Rempublicam semper fuisse, talisq; propensionis suæ experimenta clara jam dedisse, nemo inficiabitur, atq; ideò eum, quem commoda & incrementa ejusdem Reipublicæ probè curaturum

cer-

certò scimus, ad regni istius fastigiū promoveri desideramus, hocq; ab omnibus vobis ordinibus expetimus, quibus pro singulari ejusdm Serenissimi fratris nostri in singulos vestrum grata beneficaq; voluntate vadesq; obfidesq; nosmetipsos offerimus. *Pia-sec. in chron. p. 538.*

Ioannes Casimirus Princeps ex de-
tentione Gallica restitutus Regē Chri-
stianissimum Ludovicum XIII. in
hunc ferè modum allocutus.

Rex Christianissime, Domine co-
gnate & affinis charissime.

Qua fronte ad Majestatem vestram
venio, ita velim animum esse nullius
injuriæ memorem, & ut semper can-
didum & sincerum auguretur. Nul-
læ enim apud me latebræ, nulli abditi
recessus unquam, ut nec etiam eo tē-

Regem
Galliæ
alloqui-
tur.

O 2

po-

pore, cum primum Majestatis vestræ littus pressi. Hic vultus, hæc innocentia, & hic candor, ut à natalibus, sic ex Polonia discedentem per Germaniam, per Italiam, in triremem & ubiq; comitatus, etiam ex Hispania per Pyrenæos in hanc Galliam ante Majestatis vestræ faciem detulisset. Nunc cum aliâ viâ, & ratione venerim, per ambages minus gratas, per abrupta, scopulos, diversoria, & hospites invisos, in eadem sua statione tamen manet animus, & hunc errorem neutiquam Majestati vestræ, sed malis consultoribus adscribit. DEVS, qui ut innocentiae meæ testis, sic delinquentium justus vindex, illis, qui Majestatis vestræ mentem, à sede regia, à cognatione, ab amicitia, & ingenita clementia in rigorem illum, &

hæc

hæc atrocita seduxerunt, retribuatur. Novi enim optimum naturæ illius optimæ, Majestatis vestræ genium (quo jam olim Iustissimi Christianissimi titulo fociavit) à recto tramite ultrò non deviare. Adeoq; procul odio & suspicione hanc Majestatis vestræ dexteram, ut insontem, ipse omni affectu sequiori vacuus, ut cognatus & affinis, amplector venerorq;. Et ut semper, ita porro hanc cognationis nostræ, affinitatis, & amicitiae candorẽ, velut illibatum,, optima & simplicissima concordiae & unitatis conciliatrix pariter & altrix mutua innocentia conservabit. *Ludovicus Rex ad hæc respondere, & se & præterita excusare cepit, sed ebullientibus paulatim lachrymulis impeditus, tandem sermonem omnem vix*

O 3

non

non pio fletu sepelivit. Wassenbergius in carcere gallico p. 237. & 238.

Cum Anno 1651. Ioanni Casimiro Regi dissuaderetur; ut prælio cum Tartarorum Chano & Chmielnicio se subduceret, nec tot ictibus, tot telis, ac discriminibus se objiceret, ab Rege responsum; Incolumi-

*Prælio
non vult
eximi
sed adesse.*

tatē propriā, nō supra salutē civiū curæ sibi esse, unanimem populi cum Rege vitam proinde unum corpus, uno animandum spiritu. Ego verò (inquiēbat) nequaquam me à pulcherrimi operis consortio excludi patiar, videant ante se Cives Regem, & hostes formident. Eximi dubijs prælijs, esto sanè placuerit Regibus alijs, sibi minimè, ut qui inter ancipitia fortunæ educatus, magnis experimentis didicerit, successus victoriarum post DEVM, adminiculo imperantium parari.

ri. Iungenda facta consilijs, ut nec provocemus discrimina, nec suspecto abscessu elabi sinamus vincendi opportunitatem. Kochowski in Annal. Pol. climactere 1. lib. 4. p. 251.

Calescente deinde pugna, stricto ferro & oculis acer, his formalibus usus est; Ea me tenet virtutis vestræ vetero-Polonæ opinio, milites, quod contemptū Majestatis æternæ enormiter læsæ, templa ac altaria Divūm abominabili desolatione profanata, jura DEI & hominum violata ulturi, in hanc rebellem colluviem, extirpando nomini ac generi Polono barbaris associatæ, non degeneres Majorum posteris, viriliter agetis. Hic unā mecum ejus, quam DEVS dederit, fortis participes, aut laudabili vita, aut præclaro fine fociandi. Id ibid. p. 256.

Idem

Cracovia ex-
trema expec-
ta-
re volu-
it, sed
tandem
in Silesia
abit.

*Idem Rex Cracoviæ adhibito Senatu consultavit, eo themate; Se ubi diadema accepisset, jurejurando obstrictum non nisi illud cum vita depositurum, proin deliberatum sibi, ubi illud recepisset Cracoviæ, subsistere ibidem velle, aut mori. In oculis esset Civium suorum non inglorium intra muros fatum, qui pugnātem Regem, campo & acie reliquissent. Superesse Numen, ut humiliter exoratum auxilietur afflicto, quod si ita immobili ejus decreto, per quem reges regnant, casus imminet, se in sede regni haud indecorè occumbendum. Prævaluerunt tandem mitiora, visumq; ultimum casum non laceßere, destinatâ in reclinatorium Silesiâ nempe in Ducatu suo Opavien-
si. Kochowski in Annal. Pol. climactere 2. lib. 1. p. 32. & 33.*

Dum

Dum pro recuperanda Varsavia præstò esset, & Sveci ad vitandum assultum rogabant, vim ad sexhorium sisti, Rex famam clementiæ semper fortioribus consilijs præhabens geminam Svecis horam in discutiendâ deditionem concessibilem edixit, proferendo, pro eliberanda Varsavia se agere velle, non ut everteret urbem, aut innocui sanguinis profusionem intenderet, quid enim salvum intus, aut integrum manebit, semel permissâ ferro licentiâ, casuros Svecos juxta & cives, hostes & innoxios, dicatas DEO personas, profanosq; incolas, sexum imbellem, & ignaram novissimæ calamitatis infantiam, promiscuo excidio involvendam. Idem furor loca sacra invaderet, non templorum opes, non publici thesauri, non privatorum substantiæ effugient rapaces manus, de-

Mitiorē
viā pro
recupe-
randa
Varsavia
eligit.

P

ni-

niq; non sine jactura propria sævitu-
ros victores, viriliter de fato delibera-
turis Svecis, nec inulto sine mortem
oppetituris. *Sveci intra præscriptum
tempus ad leges deditiois comparuere, &
negotium unâ horâ absolutum est.* Kocho-
wski in *Annal. Pol. Climact. 2. lib. 2. p. 141.*

*In congressu reconciliationis inter Re-
gem altè memoratum, atq; Electorem Bran-
deburgicum Fridericum Wilhelmum anno
1657. Bydgostia, ubi semotis arbitris collo-
cuti sunt, Rex ad sermonem Electoris re-
posuisse fertur; Regna à fato dari, ac
ut placuerit Numini, procellis bello-
rum agitari; illo adgubernante pro-
spera fluere, evenire adversa. Con-
ditionem mortalium in eo stare, ut
forte versetur, ex amicis hostes, ex
hostibus amicos faciendo; breves ta-
men amicorum iras, & ante solis oc-*

ca-

casum deponenda odia. Plus constā-
tem totâ vitâ Serenissimi Electoris a-
micitiā, quā perfunctorium ex ne-
cessitate secessum æstimare, cui dilu-
endo præsentis animorum redintegra-
tionis victimam sufficere Numini &
sibi; ut qui transacta æquanimiter tu-
lisset, jam meliora optet. Quæ dum
boni Superi largiuntur, vicissim se
cælo litare, ac cum affine Principe, ut
ante officijs, & charitate certaturum.
Id. in Annal. Pol. Climact. 2. lib. 3. p. 261.

*Postquam idem Rex in Comitjs anno
1661. anniteretur, ut Tykocinum Czarne-
cio Palatino Russiæ jure hereditario in labo-
ris præmium & emeritæ virtutis ad poste-
ros honestatem à Republica verteretur atq;
complures è Nuntijs se opponerent, consur-
gens è throno Casimirus hæc verba effudit:
Si virtus & labores emeriti Ductoris*

Pro
Czarne-
cio in-
tercedit,
ut ipsi
Tykoci-
nū jure
heredi-
tario cō-
cedatur.

P 2

in-

infra vobis videntur, ut Tykocinum obtineat Czarnecius hereditate; at quidquid meorum in hanc Rempubli- cam extat meritorum, lanci ut æqui valeant, infero; si parum est, Avitæ mihi Iagellonicæ Domus collata in vos beneficia, cumulo superaddo? Par pari reddite. *Principis vox silentium dis- ceptionis imposuit, & extorsit assensum, ut demùm tribuendum Czarnecio jure hereditatis Tykocinum lege publica transcriberetur. Id ibid. pag. 503.*

In iisdem Comitij die XVII. Julij con- sidebat in throno Rex Ministrorum turbâ septus, Regina Maria Ludovica prælustri- bus circumfusa matronis è regione throni fenestram in perijstilio ampliorem occupave- rat, unde videre, & videri posset, frequens in statione miles locatus, & firmata ubiq; prætorianis palatij atria, cum pleno Senatus

Eque-

Equestriumq; cætu non jam pro recepto mo- re, ex sigillorum Præsidibus aliquis Regiæ mentis interpretem agit, verum ipsemet Princeps quæ sibi intentio esset, ore proprio explicare ag greditur, itaq; semotâ imperti- nente turbâ, ac imperato per Mareschallos silentio, in eum modum Rex proloquitur; Extra dubium est, Propositionem meam ad ^{Electio- nem suc- cessoris pro- po- nit.} Conventus particulares, de Electione Suc- cessoris, stante vita mea, instituendâ per Pro- uincias dimissam, apud Fidelitates Vestras alicui admirationi motuum exstitisse: quod insueta Regnantibus solitudine, Successo- rem mihi viventi designari cupiam, quem naturali modo & ordine Fata mihi negave- runt. Neq; minus ambigo quin res hæc, ut rara, sic insperata, diversos sensus & con- silij mei repererit interpretes. Quibus o- pinionibus ut explicita Declaratione occur- ram, de sincera & candida intentione mea,

P 3

Fid.

Fid: VV. oretenus edocere visum. Inprimis nemo existimet, velut repente ac minus consideratè ad id consilij accesserim; cum ab Anno 1655. fatis cedente Fratre meo Carolo Ferdinando, iam gravescentem annis ætatem considerans, iam habendæ prolis exspectes, & proinde Domus meæ nouissimus, æquum censui, imò ex officio duxi, id amoris carissimæ Patriæ exhibere documentum, ac velut præmonitionem: ut, si humanitùs mors accideret mihi, in casum & discrimen Interregnorum sese committere nollet. Sed hæc intentio aut cogitata mea, ubi diuersi hostes Regnum exagitant, seponi aut differri debuere: resumpta demum & penitus trutinata, postquam Resp. à cladibus respirare cepit. Ergo altius considerando Domum meam, à trecentis propè annis ex linea materna, ex paterna à Septuaginta amplius, liberis suffragijs vestris in solio Sar-

ma-

matico collocatam, me hîc inter vos educatum, & à vobis electum in præsens regnare: desiderans desideravi hoc gratitudinis monumentum in animis vestris relinquere, ut beneficiorum avitorum, simul exhibiti amoris mei memoria, ipsis Fatis superstes, non cum expirante vita mea extingueretur: sed apud bonos Cives & Subditos grata recordatione, ex eo perennaret, quòd instinctu & permissu meo, ad liberam Electionem viam aperuerim, quæ nonnisi me vivente libera esse, ac dici meretur. Quippe iam consilijs eiusmodi, iam viribus meis ad examen revocatis, quonam facinore huic Reip. solus & unicus Familiæ Iagiellonis superstes, continuatum in Stirpe mea Imperium regratificari valerem, hac præsentì propositione, nihil efficacius reperi: ad quam uti salutis antidotum, vobis commendandam, verba Prophetæ aptare liceat. Popule mi, quid

am-

amplius tibi facere potui, & non feci. Testis cordium scrutator DEVS, me non sanguinis, non favoris, non commodi, aut alicuius passionis respectu duci impellere; quia iam per legem mortalitatis omnia mea domusque meae Fata in agonem traho; nec quenquam reperiri posse arbitror, qui secus eam intentionem meam interpretetur; ubi attentius perpendit, quod seposita diversorum Casuum Regnantibus accidentium vicissitudine, Status & dignitatis propriae immemor, soli virtuti Polonae, meaeque in Patriam amoris sinceritati fides Ius Majestatis cum Rep. à qua accepi diuidam. Credite eodem Teste Numine, me nullum Libertati vestrae praepudicium velle aut intendere, imò bonam conscientiam sic sentire, immunitates vestras, non aliter nec validius firmaturum, nisi concessa vivente & regnante me Electione. A parte sua in totum praecauens, ac sacro-

san-

sanctè spondens, nullatenus immiscere, se Actui Electionis, eundemque vobis placitum approbare, quemcunque prius voluntas Altissimi, dein unanimi suffragiorum calculo, Elector Populus dignum Solio iudicaverit. Modo sit à stirpe Catholicus; ex antiqua Principum prosapia oriundus; neque vicinorum Monarcharum vasallus; aut recenter creatus Princeps; neu ditiones suae ab arbitrio alicuius minus Christianis fauente Monarcha dependeant; quia bellum Turcicum molem secum traheret; insuper, ut bene junior annis aetatem meam subsequatur. Neque magis optauerim, non ex ijs eligendum, qui vel ipsi Patriam istam armis oppugnare; aut filij eorum, qui per vim & potentiam, aliquando eandem occupare satagebant. Prolixius haud è re duco exponere talis Electionis commoditatem, aut evidentia pericula Interregnorum; eo solum adiecto, quod licet plu-

ra Interregna olim eluctata Polonia fuerit, iam in præsentī non sine discrimine illi succumbendum foret. Quippe antiquo & simpliciore sæculo, sincerus candor, studium & amor recti apud Majores nostros, non commodis, non respectibus Vicinis cogniti fuimus, etiam impermisti factionibus, distinuimus ignorantes, in quem usum nos ambi-
rent exteri: opes nostras illi non noverant, amicitiam infra ponebant, indolem ac virtutis studia non intelligentes, pro simplicitate contemptim accipiebant. Nos ipsi stipendiario exercitu caruimus, Castrensis seruitij turbas, & hinc enatas Confederationes militares ignoravimus. Inauditum olim, uti perperam, ac per vim parte altera renuente, intruderetur Regnaturus; nullus supererat metus, ne discordem Poloniam vicini inter se partirentur: quæ nunc mala certò certius (utinam sim falsus vates) immin-
nent,

nent, ac metuendum sit, ne sine Electione tali deueniat Resp. in direptionem gentium. Moschus Cosacusq; ad sui idiomatis gentes sese indicent, quin & Mag. Lith: Ducatum sibi destinabunt. Majoris Poloniæ confinia Brandenburgico patebunt, imò ne de Prussia quoq; vel pactis, vel armis, in theatro nostro digladiari præsumat, metuendum. Neq; domus Austriaca in ea direptione oportunitatem intermissura videtur, Cracoviam respiciens: mallente uno quoq; Vicinorum armis quæsitam obtinere Poloniæ partem, quàm integrum expectare Regnum, antiquis immunitatibus contra Principes tutum. Etiam quis sponsor, Exercitus nostros, aut alias partes in Rep. facturos, aut potioribus accessuros, ut rapientibus possessio Regni addicatur. Accedit novus in Rep. status Cosacorum, quibus ut nullus me Regnante ad Remp. accessus, sic

in turbido Interregni licerent omnia. Perpendite itaq; Poloni altius, Electionem hanc nisi me vivente liberam institui posse, nec sibi imponatis antiqui moris amore, stylum & genium Orbe universo mutante. Accipitote grati, nouissimum hunc Paterni affectus mei conatum, vobisq; & posteris vestris consulite, eam Electionem ad meliora tempora haud differendo; nam felicitas hæc temporum deriuatur ab ipso actu eligendi, protinus expedito. Labascet eo facto animus, & nocendi vis omnibus Patriæ hujus minus amicis, ubi viderint firmissimis aduersum imminetia fulcris & munimentis circumdatos. Si differtis periculum ex mora imminet, quippe ego ne pro una hora vitæ meæ in post trahenda spondere ausim; exilis valetudinis conscius, & annis in nouissima inclinantibus. Finio Ter Opt: Max: precatus, uti eam det Fidd: Vris:

men-

mentem ut sincera hæc & ab omni respectu semota intentio mea, in cordibus bonorum Ciuium reperire valeat debitæ gratitudinis fundamentum, unde mox emanaret publicæ utilitatis fructus: pro certissimo tenens, quod affectus is corroborabit erga me animos Gentis fidissimæ, in obsequio ac fide ad extrema vitæ meæ, exemplo Majorum suorum constantissime retinendæ. Vid. Kochowski in Annalibus Polonicis Climact. 2. lib. 7. p. 506. & seqq.

Tandem Ioannes Casimirus mirum edidit Aulis exemplum, ut cum posset imperare, destiterit. Sermo autem, quo die XVI. Septembris Anno 1668. Reipublicæ valedixit, hujus erat tenoris; Quando jam-jam elabatur hora, ut amoris paterni debitum à ducentis octuaginta annis Pupillæ Domus meæ huic inclytæ Reipublicæ exsolvam, Comitibus & Castris

Q3

de.

defessus, Calamitatibus per annos viginti fractus Rex & Pater, quod mundo pretiosissimum est, coronam in manus Dominationum Vestrarum deponam, pro Throno Torum eligo, dum huic seculo funeris mei superstes emorior, pro Regali Globo glebam terræ, eamque in sinu charissimæ Matris cōmunis vestræ meæq; Patriæ intra cineres Majorum meorum mihi reservo, ut quemadmodum me primum in Castris ac ultimum ex præliis & clade vidistis, ita in Annalibus primum ob amorem Patriæ augendæq; ejusdem fortunæ, humana postponentem, Majestatemq; Regiam dispositioni vestræ reddentem memineritis. Amor vester liberis vocibus huic me Solio imposuit, amor vicissim meus erga vos supremum me utriusq; lineæ hæredeli.

liberè dimittit. Monarchæ cæteri Filiis, Fratribus, aut Consanguineis abdicando Coronam tradiderunt. Ego eandem Patriæ carissimæ Reiq; publicæ ut Pater & Filius reddo, ejusq; amore ex Duce Gregarius, ex Imperante Parens, ex Rege Concivis fio, ut juniori & Reipublicæ magis proficuo locum concedam, cujus in Electione ut DEVS Dominationes Vestras prosperet in solitudine mea negotiorum vacuus Majestatem ejus Sanctam implorabo. Gratias jam igitur vobis pro omnibus Charitatibus, Officiis, susceptis periculis, pro Consiliis, præsidio, & retribus ago. Si cui ex rationibus Status, vel factorum quid ingratum accidit, condonet quæso, ipse vicissim omnibus do veniā. Sic tandem ultimum vale singulis dico, & cordi meo
vos

vos apprimo, in quo dulcem Vestri memoriam, quoad vixero, circumferam. Benedictionem insuper Paternam omnibus & singulis impertio, & quanquam distantia loci disjunctus fuero, animo certè à communi Matre nunquam divellar, in quâ corpus hoc in cineres olim resolutum deponi desidero. Et cum labilis memoria ac luctus in lachrymas effusus plura effari non permittat, uberiora amoris & candoris mei argumenta ex charta hac, quam ad prælegendum trado, intelligetis;

Jam dudum est hoc meum interruptum boni publici & tam valetudinis quam conscientiaë meæ rationibus in-nixum propositum, Coronam hanc à Dominationibus vestris capiti meo impositam, & à tot annis per Anteces-

so-

sores meos possessam, in manus, & ad liberam dispositionem Dominationū Vestrarum solenni reddere Abdicatione. A primâ meâ, quam mihi amor dictavit in Comitibus Anni 1661. declaratione, semper in me reposita mansit opinio, quod debuerim Reipublicæ consulere, ut me vivente anteverterentur pericula illa, quibus inopinatum InterRegnum ex fundamento eandem movere & turbare posset. Præstolatus sum tantum ejusmodi, uti nunc sunt tempora, quando Resp. à Confœderatione militari, turbis internis bello Moscovitico pacata commodè & sine distractione sibi consulere, & libere vacare Electioni potest. Adducit me ad hanc Abdicationem cura salutis æternæ, quam, uti quilibet contemptu terrenorum sibi conciliare tene-

R

tur,

tur, ita difficilius mihi foret in Throno eandem parare, si abrogatione dignitatis memet humilians, & ex altissima fortuna & Regiis incommoditatibus exuens, mihi ipsi atq; animæ meæ reliquos dies non impenderem; Sed non minus ad istud me impellit, amor erga hanc Patriam & Dominationes Vestras, quem tam difficili & insolito modo testari volo. Sentio me ætate & valetudine infirmum, pressumq; laboribus continuis & consultationibus atq; Castris fractum, ut vires meæ curis regnandi non valeant sufficere, malo itaq; me ipsum exinanire, quò ad publica commoda Dominationum Vestrarum juniori, & capaciiori Successori fores aperiam, quando Dominationes Vestræ Adjutorem mihi adsciscere & adoptare noluerunt; Quippe-

pe video, quod sinceræ intentiones meæ sinistrè explicatæ, & suspicionibus quasi minus liberæ Electionis oneratæ, aliter non possint justificari, & Respublica hac opinione turbata aliter pacificata esse nequeat, nisi per hoc documentum amoris mei, quando quilibet animadvertit, quod libera manebit Reipublicæ electio, quod ego deprensus Diadema solvo metu timentes gratis, ac si illud peregrino capiti imponere cogitaverim. Magis ergo in hoc operatur apud me ratio publicæ quietis & amoris erga Dominationes Vestras, quam commoditatis, quietis propriæ & privati boni consideratio, pro quibus, quàm moderatè me habeam, satis ostendit Actus hodiernus, dum jisdem quicquid mundo est charissimum charitati Reipublicæ posthabeo.

beo. Protestor coram DEO, quod per hanc Abdicationem, nullum præjudicium libertatis Dominationum Vestrarum, nec facio, nec video, sed potius ita existimo, me per apertum Interregnum viam ad augmentum eidem parare. Quod ergo faustum felixq; sit huic Reipublicæ, & mihi apud DEVM meritorium, atq; apud universum Orbem gloriosum, jam maturâ præmissâ deliberatione sanus mente & corpore, liberè, non coactus, Diadema, Sceptrum, Regimen, & Regnū, uti mihi est in Electione delatum, & in Coronatione confirmatum, cum omnibus quæcunq; Majestati & juribus Regum Polonorum & Magnorum Ducum Lithvaniæ ab antiquo competunt, nihil sibi, nec alicuicuidam reservans, in manus Senatus, Nobilitatis, & o-
mni-

mnium Ordinum utriusq; Gentis ab-dico, restituo, reddo & omni meliori modo formaq; resigno, omnes Ordines & quemlibet in specie fidelitatis juramento, aut quovis alio præstito solvo, & ab omni subjectione & obligatione subditos sive Vassallos mitto & absolvo. Duces etiam Brandenburgicum, & Curlandiæ ab homagio & reliquis obligationibus pro meo interesse tutos & liberos pronuntio. Quod non tantum hac meâ vivâ voce, sed & Diplomate solenni, in manus Reipublicæ tradito, confirmo & ratifico, atq; Diploma Electionis meæ 1648. authenticum & Originale restituo, reddoq; casso, & annihilo. Impertior actu liberrimam facultatem Domino Archi-Episcopo declarandi Inter Regni toti Reipublicæ, procedendi ad

liberrimam Electionem Regis novi, eundemq; eligendi & Coronandi, simul declaro & promitto, quod non tantum nullo modo impediam futuram Electionem Regnaturi, sed deniq; ad Confutationem qui venditabant, ac si cum aliquo de Regno transigissem, nullum Candidatum Dominationibus Vestris proponam, vel recommendabo, atq; ab hinc in persona ab actibus Convocationis & Electionis me recipiã, absensq; ero. Teneor insuper ex conscientia præcavere atq; rogare Dominationes Vestras, ne quæquam huius Consilij velint invidia onerare. Omnes Potestates externæ me rogarunt, & ad hoc usque momentum me flagrantissimè rogant, ut hoc Consilium mutem, Civibus autem me oportet cum gratâ recordatione amoris.

ris erga me præbere testimonium, quod nemo illorum inventus fuerit, qui laudaret, multò minus svaderet Abdicationem, quæ quod sit opus manus Domini & Vocationis meæ necessitas, inde apparet, dum totius mundi improbatio mihi eandem ex corde avellere non valuit. Et sicut in hoc toto negotio nemo de charitate meâ erga hanc Rempublicam dubitare potest, ita & ego vicissim fidenter de Dominationum Vestrarum amore mihi polliccor fore, ut pro substantia mea, Statui meo, atq; Honori Reipublicæ condigna, reservatos per me à supra dicta Abdicatione ejusq; pronunciati-
one exceptos redditus, hoc est, Oeconomiam integram Marieburgensem centum millia reddituum, ex salis fodinis Viclicensibus, & denuò centum mil.

millia ex Vectigalibus Regni & Russiæ, ad mensam Regiam spectantia, in Lithuania, Grodno, Sokol, & vectigalia, uti possidebantur, ut mihi à futuro Principe præstentur, per Pacta conventa caveatis. Per quod nihil de pane bene meritorum decedet. Reditus ex Oeconomiiis omnibus, Sceptro vacante, ut ad me quoq; ordinario modo perveniant per totum InterRegnū, mihi plenariè reservo. Erit hoc gratitudinis Dominationum Vestrarum erga me, (ut rogo) documentum, quando futuro Regnanti in Capitulatione exsolutionem meorum meaq; Domus debitorum commendabunt. Utrumq; hoc à Dominationibus Vestris impetrabit Domus Iagellonicæ tam beneficium à ducentis annis regimen, sub cuius propensione erga hanc Rempubli-

cam

cam libertates illius notabiliter creverunt. Valedico itaq; paterno corde Dominationibus Vestris ex Throno decedens, orans ut Dominationes Vestræ hanc paternam & omnes charitates superantem intentionem meam gratè excipere, & sincerè interpretari velint. Gratias ago Dominationibus Vestris pro conservatione fidelitatis, & subjectionis, quam difficillimis temporibus constanter expertus sum. Puto quòd nemo de Regimine meo conqueri possit. Siquid tamen alicui in administratione nostra minus placuerit, rogo ut hoc fragilitati, à quâ Diadema non liberat homines, & rationibus Status, quæ cum privatis utilitatibus non semper conveniunt condonet. Tandem uti amorem erga hanc Rempublicam cum Regali palu-

S
da-

139 EFF: IOANN: CASIMIR.
 damento non exuo, ita Dominum
 DEVM oro, & ardentius solutis cu-
 ris orabo, ut Dominationibuss Vestris
 ejusmodi suppeditet consilia, quibus
 per brevem terminum Interregni, &
 evectionem digni in Thronum Re-
 gnantis, exteris & malevolis præver-
 tere factiones, fines defensos tutosq;
 habere, internam tranquillitatem,
 & solidam unanimi-
 tatem indu-
 cere possint.



IN-

INDEX.

A.		Imperium recusat.	31.
Alexander expeditionem con-		Pro restituendo Fratre intercedit.	32.
tra Valachos celat pag.	61.	Milites animat.	33.
B.		Casimirus Magnus agricolarum que-	
Boleslaus Chrobry salutem publicam		relis movetur.	44.
curat.	4.	Casimirus Jagellonides juramentum	
Milites contra hostes animat.	5.	præstandum differt.	55.
Proceres ad favorem Filio exhiben-		tandem præstat	56. 57.
dum hortatur.	9.	Promissionem Ducis Olelkovicz dif-	
Quomodo se Filius gerere debeat		ferre.	58.
præcipit.	ibid.	Bellum contra Moschos declinat.	ibid.
Honores funeris sui non vult præ-		Hortatur milites, ut sub signa Scy-	
scribere.	10.	tharum contendant.	59.
Prædicat futura	13.	Moribundus intercedit pro filijs.	ibid.
Boleslaus Audax consilium de ma-		H.	
rimonio acceptat.	18.	Henricus Valesius securitati Dissi-	
Ad recuperandam Russiam milites		dentium in Religione non contra-	
hortatur.	19. 22.	viatur.	72.
Boleslaus Crivouslus milites ad anti-		De importando in Poloniam pro-	
mositatem monet.	23.	ventu.	73.
Patrem memoriâ colit.	24.	Polonos bene de se jubet sperare.	74.
Ditiones inter filios partitur.	25.	Quoad matrimonium refert se ad	
C.		Comitia.	75.
Casimirus I. Oratoribus Regnum		Bonum regimen pollicetur.	ibid.
offerentibus modestè respondet.	16.	Wolscio ViceCancellariatum defert	76.
Vigilantiam in Regimine declarat	17.	Iudiciorum pertasus	77.
Concordiam Filiumq; suum commen-		De abitu in Galliam deliberat.	77.
dat.	18.	Reditum ex Galliâ promittit.	79.
Casimirus II. severus in seipsum		Annulum porrigit.	80.
judex.	30.		

Ioan-

INDEX.

I.

- Ioannes Albertus Curosvantij admonitionem male fert. 60.
 Ioannes Casimirus fratrem Vladislaum Ordinibus commendat. 106.
 Regem Gallie alloquitur. 107.
 Prælio non vult eximi, sed adesse 110.
 Cracoviae extrema voluit expectare, sed tandem in Silesiam abiit. 112.
 Mitiores viam pro recuperanda Varavia eligit. 113.
 Cum Electore Brandenburgico reconciliatur. 114.
 Pro Czarnecio intercedit, ut ipsi Tykocinum jure hereditario concedatur. 115.
 Electionem Successoris proponit. 117.
 abdicat. 125.

L.

- Lescus Albus expeditioni bellica optat adesse. 34.
 Lescus Niger milites ad vindictam hortatur. 35.
 Ludovicus Vngarus de Sceptro Polonico acceptando cunctatur. 44.

M.

- Miecislaus II. promittit, quod sequi velit paternas virtutes. 15.
 Miecislaus Senex in viam reduci non vult. 23.

P.

- Popielus I. vovet ut à muribus corrodatur. pag. 1.

Popielus II. morbum simulat, p. 1. & 2.
 Vxorem consolatur. 3.

S.

- Sigismundus I. vult filium moderatè laudari. 61. 62.
 Congreditur cum Imperatore Maximaliano. 62.
 In virtute eiusdem confidit. ibid.
 Et in fidelitate subditorum. 63.
 Fœdus contra Turcas vouet. 64.
 Filium ad bonum regimen hortatur. 65.
 Sigismundus Augustus matrimonium cum Barbarâ dissimulatâ aperit. 66.
 Retinenda uxoris firmum declarat propositum. 67.
 De Republicâ Babinensi percontatur. 69.
 Ad mortem intrepidus est. 71.
 Stephanus pro auctoritate sua zelat. 81.
 De Pekoslavio iudicium fert. 82.
 Donativum Tartaris negat. ibid.
 Ad linguam Latinam hortatur Nobiles. 83.
 Karnkoviõ spem Archi-Episcopatus facit. ibid.
 Privilegiorum Academiae Vilnensis oblationem urget. 84.
 De modo eligendi Regis & compositione inter status differit. ibid.
 Pro Livoniâ tenax. 85. & 86.
 De tribus Dei reservatis. 86.
 Pro veritate & iustitiâ zelat. ibid.
 De sepulchris. 16.
 De hominum societate. ibid.

De

INDEX.

- De pugna loco. 87.
 De Principum consilijs. ibid.
 De vita sua. ibid.
 Moritur. 88.
 Sigismundus III. necessitatem profectionis in Sveciam exponit. p. 88.
 Cracoviam se iturum declarat. 90.
 Iustitiæ causâ confidit. 91.
 A clementiâ erga Rokossianos non alienum se proficitur. 92.
 Innocentiam suam contra adversantium calumnias proficitur. 93.
 Clementer se acturum erga Rokossianos iterum declarat. 96.
 Moderatus erga victos est. 97.

V.

- Vladislaus II. postulat, ut unicus possit esse paternarum ditiorum heres. 26.
 Vladislaus Locticus militibus suis contra Cruciferos stimulos addit. 37.
 Erga saucium militem misericors est. 43.
 Vladislaus Iagello Concionatori fidem apud populum facit. 45.
 Dei auctoritatem in omnia proficitur.

- tur. 46.
 De ceremoniâ die Ascensionis feri iudicium. ibid.
 Arma potius contra Prussiam, quàm Tamerlanem movenda esse suadet. 47.
 Deo causam belli exponit. 48.
 Missos à Crucigeris gladios in omen victoriæ accipit. 50.
 Pro filio Vladislao sibi sufficiendo intercedit. 51.
 Olesnecium deprecatur. ibid.
 Vladislaus Iagellonides Hungariæ Regnum acceptat. 57.
 Discordibus se imperaturum negat. 52.
 Fugam dicit turpem esse. 54.
 Vladislaus IV. erga Rempublicam declarat propensionem, & erga Patrem observantiam. 98.
 Contumaces milites gravi sermone alloquitur. 99.
 Lithuanos ad obsequium Lubomirscio præstandum hortatur. 102.
 Erga Kazanovium liberalis est. 103.
 Moribundus loquitur. 105.



ERRATA

Pagina 34. linea ultimâ lege pro Consilianos, lege Consiliarios.

Pagina 44. linea penultimâ loco referre lege re fare.

Pagina 58. linea 9. pro petit, lege petiit.

Pagina 74. lib. 12. lege pro pium, piam.

Pagina 103. linea 17. loco principales, principalis.

*In Dedicatione pag. 3. lin. 4. post amat adde, Fata
viam monstrarunt atq; invenerunt.*



Hist. Polon

C. 1700

